



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

KC


16163

NEDL TRANSFER



HN 5XW1 P

5 1/2 - 108 La 44, 190
KC 16163



THE GIFT OF
ELIZA WENTWORTH HAVEN,
OF PORTSMOUTH, N. H.


From the Library of her late Husband,


NATHANIEL APPLETON HAVEN, JR.,

(Class of 1807.)

April, 1868.









A P U L E I I
METAMORPHOSEON
LIBRI UNDECIM.

1

TYPIS CAROLI CRAPELET.

A N N O I V.

©

AP U L E I I
METAMORPHOSEON

LIBRI UNDECIM

EX OPTIMIS EXEMPLARIBUS
EMENDATI.


TOMUS TERTIUS.

PARISIIS,
APUD ANT. AUG. RENOUEARD.
M. DCC. XCVI.

~~La 44, 190~~

KC 16163

1868, Apr. 24.



A P U L E I I
METAMORPHOSEON
LIBER NONUS.

ARGUMENTUM

LIBRI NONI.

CONTINET astum asini, quo lanienam evasit. Sequitur alterum periculum, quo rabiosus creditus, auxilium aquæ potus acquisivit. Narratio fabellæ de femina maritum illudente, cujus amator sub specie emptoris in dolio fefellit. Sors captiosa syriacorum sacerdotum, furtumque deprehensum. Descriptio pistorii operis, cui fuit mancipatus. Explicatio fabularum de adulteriis impudicitiaque feminarum lepidissima. Domini rursus mutatio, a pistore ad hortulanum facta translatione. Dirum familiæ infortunium. Hortulani in militum abactorem insultatio; asini occultatio, et prospectus.

LIBER IX.

Sic ille nequissimus carnifex contra me manus impias obarmabat. At ego, præcipitante consilium periculi tanti præsentia, nec expectata diutina cogitatione, lanienam imminentem fuga vitare statui; protinusque vinculo, quo fueram deligatus, abrupto, cursu me proripio totis pedibus, ad tutelam salubrem crebris calcibus velitatus: illicoque me, raptim transcursa proxima porticu, triclinio, in quo dominus ædium sacrificales epulas cum sacerdotibus deæ cœnitabat, incontanter immitto. Nec pauca rerum apparatus cibarii, mensæ etiam, et id genus, impetu meo collido,

atque disturbo. Qua rerum deformi strage paterfamilias commotus, ut importunum atque lascivum, me cuidam famulo curiose traditum, certo aliquo loco clausum jussit cohiberi: ne rursum convivium placidum simili petulantia dissiparem. Hoc astutulo commento scitule munitus, et mediis lanii manibus ereptus, custodela salutaris mihi gaudebam carceris. Sed nimirum nihil fortuna renuente licet homini nato dexterum provenire: nec consilio prudenti, vel remedio sagaci, divinæ providentiæ fatalis dispositio subverti vel reformari potest. Mihi denique id ipsum commentum, quod momentariam salutem reperisse videbatur, periculum grande, immo exitium præsens conflavit aliud. Nam quidam

subito puer, mobili ac trepida facie, percitus, ut familiares inter se susurrabant, irrumpit triclinium, suoque annuntiat domino, de proximo angiportu canem rabidam paulo ante per posticam impetu miro sese direxisse; ardentique prorsus furore venaticos canes invasisse; ac dehinc proximum petisse stabulum, atque ibi pleraque jumenta incurrisse pari sævitia; nec postremum saltem ipsis hominibus pepercisse. Nam Myrtium mulionem, et Hephæstionem cocum, et Hypatium cubicularium, et Apollonium medicum, immo vero et plures alios ex familia, abigere tentantes, variis morsibus quemque lacerasse: certe venenatis morsibus contacta nonnulla jumenta efferari jam simili rabie. Quæ res omnium

statim percussit animos. Rati que me etiam eadem peste infectum ferocire, arreptis cujuscemodi telis, mutuoque ut exitium commune protelarent cohortati, ipsi potius eodem vesaniæ morbo laborantes persequuntur. Nec dubio me lanceis illis et venabulis, immo vero et bipennibus, quæ facile famuli subministraverant, membra-tim compilassent; ni respecto subiti periculi turbine, cubiculum, in quo mei domini devertebant, protinus irrupissem. Tunc clausis obseratisque super me foribus, obsidebant locum; quoad, sine ullo concessionis suæ periculo, pestilentiae lethalis pervicaci rabie possessus ac peresus, absumerer. Quo facto, tandem libertatem nactus, solitariae fortunæ munus amplexus, super constratum lec-

tum abjectus, post multum equidem temporis somnum humanum quievi. Jamque clara die, mollitie cubiculi refota lassitudine, vegetus exsurgō : atque illos, qui meæ tutelæ pervigiles excubias agitaverant, ausculto de meis sic altercare fortunis : Adhucine miserum istum asinum jugi furore jactari credimus ? immo vero jam virus, increscente sævitia, prorsus extinctum. Sic opinionis variæ terminum ad explorationem confecerunt ; ac de rima quidam prospiciunt sanum me atque sobrium otiose consistere. Jamque ultro foribus patefactis, plenius an sim jam mansuetus periclitantur. Sed unus ex his, de cœlo scilicet missus mihi sospitator, argumentum explorandæ sanitatis meæ tale commonstrat ceteris ; ut

aquæ recentis completam pelvem offerrent potui meo : ac si intrepidus , et more solito sumens , aquis allubescerem ; sanum me , atque omni morbo scirent expeditum : contra vero , si visum contactumque laticis vitarem ac perhorrescerem ; pro comperto noxiam rabiem pertinaciter durare. Hoc enim libris etiam pristinis proditum observari solere. Isto placito , vas immane confestim aquæ pellucidæ de proximo petitæ fonte cantantes adhuc offerunt mihi. At ego sine ulla mora progressus , etiam obvio gradu satis sitienter , pronus , et totum caput immergens , salutare vere equidem illas aquas hauriebam. Jamque et plausus manuum , et aurium flexus , et ductum capistri , et quidvis aliud periclitantium , placide

patiebar ; quoad contra vesanam eorum præsumptionem modestiam meam liquido cunctis approbarem. Ad istum modum vitato duplici periculo , die sequenti rursum divinis exuviis onustus , cum crotalis et cymbalis circumforaneum mendicabulum producor ad viam. Nec paucis casulis atque castellis oberratis , devertimus ad quempiam pagum urbis opulentæ quondam , ut memorabant incolæ , inter semiruta vestigia conditum : et hospitio proximi stabuli recepti , cognoscimus lepidam de adulterio cujusdam pauperis fabulam. Quam vos etiam cognoscatis , volo. Hic gracili pauperie laborans , fabriles operas præbendo , parvis illis mercedibus vitam tenebat. Erat ei tamen uxorcula , etiam satis

quidem tenuis et ipsa , verumtamen postrema lascivia famigerabilis. Sed die quadam , dum matutino ille ad opus susceptum proficiscitur , statim latenter irrepit ejus hospitium temerarius adulter. Ac , dum Veneris colluctationibus securius operantur; maritus ignarus rerum , ac nihil etiam tunc tale suspicans , improvisus hospitium repetit. Jamque clausis et obseratis foribus , uxoris laudata continentia , januam pulsat , sibilo etiam præsentiā suam denuntiante. Tunc mulier callida , et ad hujuscemodi flagitia perastutula , tenacissimis amplexibus expeditum hominem , delio , quod erat in angulo semiobrutum , sed alias vacuum , dissimulanter abscondit; et patefactis ædibus , adhuc introeuntem maritum

aspero sermone accipit : Siccine, vacuus et otiosus, insinuatis manibus ambulabis mihi, nec, obito consueto labore, vitæ nostræ prospicies, et aliquid cibatus parabis? at ego misera et pernox et perdia lanificio nervos meos contorqueo, ut intra cellulam nostram saltem lucerna luceat. Quanto me felicior Daphne vicina, quæ mero et prandio matutino saucia cum suis adulteris volutatur! Sic confutatus maritus, Ecquid istuc est? ait: nam licet forensi negotio officinator noster attentus ferias nobis fecerit, tamen hodiernæ cœnulæ nostræ prospexi. Vides istud dolium, quod semper vacuum, frustra locum detinet tantum, et revera præter impedimentum conversationis nostræ nihil præstat amplius? istud ego

quinque denariis cuidam venditavi :
et adest , ut , dato pretio secum rem
suam ferat. Quin itaque præcingeris ,
mihique manum tantisper accommo-
das , ut exobrutum protinus tradatur
emptori. E re nata fallacia , mulier te-
merarium tollens cachinnum , Ma-
gnum , inquit , istum virum ac stre-
nuum negotiatorem nacta sum , qui
rem , quam ego mulier et intra hos-
pitium contenta jamdudum septem
denariis vendidi , minoris distraxit.
Additamento pretii lætus maritus ,
Et quis est ille , ait , qui tanto præsti-
navit ? At illa , Olim , inepte , inquit ,
descendit in dolium , sedulò solidita-
tem ejus probaturus. Nec ille sermo-
ni mulieris defuit : sed exurgens ala-
criter , Vis , inquit , verum scire , ma-
terfamilias ? hoc tibi dolium nimis

vetustum est, et multifariam rimis hiantibus quassum. Ad maritumque ejus dissimulanter conversus, Quintu quicumque es, homuncio, lucernam, ait, actutum mihi expedis; ut erasis diligenter sordibus intrinsecus, aptum usui possim dinoscere: nisi nos putas æs de malo habere. Nec quidquam moratus ac suspicatus acer et egregius ille maritus, accensa lucerna, Discede, inquit, frater, et otiosus adsiste, donec probe procuratum istud tibi repræsentem. Et cum dicto, nudatus ipse, delato lumine, scabiem vetustam cariosæ testæ occipit exscalpere. At vero adulter, bellissimus ille pusio, inclinatam dolio pronam uxorem fabri superincurvatus secure dedolabat. At illa, capite in dolium demisso, maritum suum astu

meretricio tractabat ludicre. Hoc, et illud, et aliud, et rursus aliud purgandum digito demonstrat suo : donec utroque opere perfecto, acceptis septem denariis, calamitosus faber collo suo gerens dolium, coactus est ad hospitium adulteri perferre. Pauculis ibi diebus commorati, et munificentia publica saginati, vaticinationisque crebris mercedibus suffarcinati, purissimi illi sacerdotes novum quæstus genus sibi comminiscuntur. Sorte unica casibus pluribus enodata, consulentes de rebus variis plurimos, ad hunc modum cavillantur. Sors hæc erat :

Ideo conjuncti terram proscindunt boves,
Ut in futurum læta germinent sata.

Tum si qui, matrimonium sorte captantes, interrogarent ; rem ipsam responderi aiebant : Jungendos con-

nubio, et satis liberum procreandis. Si possessiones præstinaturus quæret; merito boves, ut et jugum et arva sementis florentia, pronuntiari. Si quis de profectione sollicitus divinum caperet auspicium; junctos jam paratosque quadrupedum cunctorum mansuetissimos: et lucrum promitti de glebæ germine. Si prælium capessiturus, vel latronum factionem persecuturus, utiles necne processus sciscitaretur; addictam victoriam forti præsagio contendebant: quippe cervices hostium jugo subacturi, et prædam de rapinis uberrimam fructuosamque capturi. Ad istum modum, divinationis astu captioso contraxerant non parvas pecunias. Sed assiduis interrogationibus argumenti satietate jam defecti, rursum ad viam

prodeunt , viam , tota quam nocte confeceramus, longe pejorem. Quidni? lacunosis incilibus voraginosam , partim stagnanti palude fluidam , et alibi subluvie cœnosa lubricam. Crebris denique offensaculis et assiduis lapsibus jam contusis cruribus meis , vix tandem ad campestras semitas fessus evadere potui. Et ecce , nobis repente de tergo manipulus armati supercurrunt equites ; ægreque cohibita equorum curruli rabie , Philebum ceterosque comites ejus involant avidi : colloque constricto , et sacrilegos impurosque compellantes , interdum pugnis obverberant : nec non manicis etiam cunctos coarctant : et identidem urgenti sermone comprimunt , promerent ocius aureum cantharum , promerent auctoramen-

tum illud sui sceleris ; quod simulatione solemnum, quæ in operto factitaverant , ab ipsis pulvinaribus Matris deum clanculo furati , prorsus quasi possent tanti facinoris evadere supplicium , tacita profectione adhuc luce dubia pomœrium pervaserint. Nec defuit , qui , manu super dorsum meum injecta , in ipso deæ quam gerebam , gremio scrutatus , reperiret , atque incoram omnium aureum depromeret cantharum. Nec isto saltem tam nefario scelere impuratissima illa capita confutari , terrerive potuere ; sed mendoso risu cavillantes , En , inquiunt , indignæ rei scævitatem ! quam plerique insontes periclitantur homines ! propter unicum caliculum , quem deum Mater sorori suæ deæ Syriæ hospitale munus ob-

tulit, noxios religionis antistites ad discrimen vocari capitis ! His et aliis similibus affaniis frustra obblateratis, eos retrorsum abducunt pagani, statimque vinctos in Tullianum compingunt : cantharoque, et ipso simulacro, quod gerebam, apud fani donarium redditis ac consecratis, altera die productum me rursum voce præconis venui subjiciunt : septemque nummis carius, quam prius me comparaverat Philebus, quidam pistor de proximo castello præstinauit. Protinusque frumento etiam coempto affatim onustum, per iter arduum scrupis, et hujuscemodi stirpibus infestum, ad pistrinum, quod exercebat, perducit. Ibi complurium jumentorum multivii circuitus intorquebant molas ambage varia : nec die

tantum, verum perpeti etiam nocte, prorsus instabili machinarum vertigine, lucubrabant pervigilem farinam. Sed mihi, ne rudimentum servitii perhorrescerem scilicet, novus dominus loca, lautia prolixè præbuit. Nam et diem illum primum feriatum dedit, et cibariis abundanter instruxit præsepium. Nec tamen illa otii saginæque beatitudo duravit ulterius. Sed die sequenti, molæ, quæ maxima videbatur, matutinus adstituor: et illico velata facie, propellor ad incurva spatia flexuosi canalis; ut in orbe termini circumfluentis reciproco gressu, mea recalcanz vestigia, vagarer errore certo. Nec tamen sagacitatis ac prudentiæ meæ prorsus oblitus, facilem me tirocinio disciplinæ præbui. Sed quamquam fre-

quenter, cum inter homines agerem, machinas similiter circumrotari vidissem; tamen ut expertus et ignarus operis, stupore mentito defixus hærebam. Quod enim rebar, ut minus aptum et huiusmodi ministerio satis inutilem, me ad quempiam alium utique levio rem laborem legatum iri; vel otiosum certe cibatum iri. Sed frustra solertiam damnosam exercui. Complures enim protinus baculis armati me circumsteterunt: atque, ut eram luminibus obtectis securus etiam nunc, repente signo dato, et clamore conferto, plagas ingerentes acervatim, adeo me strepitu turbulentant, ut cunctis consiliis abjectis, illico scitissime tæniæ sparteæ totus innixus, discursus alacres obirem. Hac subita sectæ commutatione risum toto cæ-

tui commoveram. Jamque maxima diei parte transacta, defectum alioquin me, helcio sparteo dimoto, nexu machinæ liberatum applicant præsepio. At ego, quamquam eximie fatigatus, et refectione virium vehementer indignus, et prorsus fame perditus, tamen familiari curiositate attonitus, et satis anxius, postposito cibo, qui copiosus aderat, inoptabilis officinæ disciplinam cum delectatione quadam arbitrabar. Dii boni! quales illic homunculi vibicibus livedinis totam cutem depicti, dorsumque plagosum scissili centunculo magis inumbrati quam obtecti; nonnulli exiguo tegili tantummodo pubem injecti; cuncti tamen sic tunicati, ut essent per pannulos manifesti; frontes litterati, et capillum semirasi, et pe-

des annulati; cum lurore deformes; et fumosis tenebris vaporosæ caliginis palpebras adesi, atque adeo male luminati; et in modum pugilum, qui pulvisculo perspersi dimicant, farinulenta cinere sordide candidati. Jam de meo jumentario contubernio quid, vel ad quem modum memorem? Quales illi muli senes, vel cantherii debiles? Circa præsepium capita demersi, contruncabant moles palearum: cervice cariota vulnerum putredine; follicantes nares languidas assiduo pulsu tussedinis hiulci; pectora copulæ sparteæ tritura continua exulcerati; costas perpetua castigatione ossium tenus renudati; ungulas multivia circumcursione in enorme vestigium porrecti; totumque corium veterno atque scabiosa maciæ

exasperati. Talis familiæ funestum mihi etiam metuens exemplum, veterisque Lucii fortunam recordatus, et ad ultimam salutis metam detrusus, submisso capite mærebam. Nec ullum uspiam cruciabilis vitæ solatium aderat; nisi quod ingenita mihi curiositate recreabar, dum præsentiam meam parvi facientes, libere quæ volunt, omnes et agunt et loquuntur. Nec immerito priscæ poeticæ divinus auctor apud Graios, summæ prudentiæ virum monstrare cupiens, multarum civitatum obitu, et variorum populorum cognitu, summas adeptum virtutes cecinit. Nam et ipse gratas gratias asino meo memini, quod me suo celatum tegmine, variisque fortunis exercitatum, etsi minus prudentem, multiscium red-

didit. Fabulam denique bonam , præ ceteris suave comptam , ad aures vestras afferre decrevi. Et en , occipio. Pistor ille , qui me pretio suum fecerat , bonus alioquin vir et apprime modestus , pessimam et ante cunctas mulieres longe deterrimam sortitus conjugam , pœnas extremas tori larisque sustinebat : ut hercules ejus vicem ego quoque tacitus frequenter ingemiscerem. Nec enim vel unum vitium nequissimæ illi feminæ deerat ; sed omnia prorsus , ut in quamdam cœnosam latrinam , in ejus animum flagitia confluxerant : scæva , sæva , virosa , ebriosa , pervicax , pertinax : in rapinis turpibus avara , in sumptibus fœdis profusa : inimica fidei , hostis pudicitiae. Tunc spretis atque calcatis divinis numinibus , in vicem cer-

tæ religionis , mentita sacrilega præsumptione dei , quem prædicaret unicum , confictis observationibus vacuis , fallens omnes homines , et miserum maritum decipiens , matutino mero et continuo stupro corpus manciparat. Talis illa mulier miro me persequabatur odio. Nam et antelucio recubans adhuc , subjungi machinæ novitium clamabat asinum : et statim ut cubiculo primum processerat , insistens jubebat incoram sui plagas mihi quamplurimas irrogari. Et cum tempestivo prandio laxarentur jumenta cetera , longe tardius applicari me præsepio jubebat. Quæ sævitia multo mihi magis genuinam curiositatem in suos mores amplaverat. Nam et assiduo plane com-
meantem in ejus cubiculum quem-

dam sentiebam juvenem , cujus et faciem videre cupiebam ex summo studio ; si tamen velamentum capitis libertatem tribuisset meis alioquin luminibus. Nec enim mihi solertia defuisset ad detegenda quoquomodo pessimæ feminæ flagitia. Sed anus quædam , stupri sequestra , et adulterorum internuntia , de die quotidie inseparabilis aderat. Cum qua protinus jentaculo , ac dehinc vino mero mutuis vicibus velitata , scenas fraudulentas in exitium miserrimi mariti subdolis ambagibus construebat. At ego quamquam graviter succensens errori Fotidis , quæ me , dum avem fabricat , perficit asinum , isto famen vel unico solatio ærumnabilis deformitatis meæ recreabar , quod auribus grandissimis præditus , cunc-

ta longule etiam dissita facillime sentiebam. Denique die quadam tinnulæ illius aniculæ sermo talis meas affertur aures : De isto quidem , mi herilis , tecum ipsa videris , quæ sine meo consilio pigrum et formidolosum familiarem istum sortita es : qui insuavis et odiosi mariti tui caperatum supercilium ignaviter perhorrescit ; ac per hoc amoris languidi desidia tuos volentis amplexus discruciat. Quanto melior Philetærus , adulescens et formosus , et liberalis , et strenuus , et contra maritorum inefficaces diligentias constantissimus ! dignus hercules solus omnium matronarum perfrui deliciis : dignus solus coronam auream capite gestare , vel ob unicum istud , quod nunc nuper in quem-

dam zelotypum maritum eximio studio commentus est. Audi denique, et amatorum diversum ingenium compara. Nosti quemdam Barbarum, nostræ civitatis decurionem, quem Scorpionem, præ morum acritudine, vulgus appellat. Hic uxorem generosam et eximia formositate præditam, mira custodela munitam, domi suæ quam cautissime cohibebat. Ad hæc, ultima pistoris illa uxor, subjiciens, Quidni? inquit, novi diligenter. Areten meam condiscipulam memoras. Ergo, inquit anus, nosti totam Philesietæri etiam ipsius fabulam? Minime gentium, inquit; sed nosse valde cupio: et oro, mater, ordine mihi singula retexe. Nec commemorata illa sermocinatrix immodica, sic anus incipit: Barbarus iste cum

necessariam profectionem pararet ;
pudicitiamque caræ conjugis con-
servare summa diligentia cuperet ;
servulum suum Myrmecem , fide-
litate præcipua cognitum , secreto
commonet , suæque dominæ custo-
delam omnem permittit : carcerem
et perpetua vincula , mortem denique
violentam et famem comminatus , si
quispiam hominum , vel in transitu ,
digitotenus eam contigisset. Idque
dejerans etiam confirmat per omnia
divina numina. Ergo igitur summo
pavore percussum Myrmecem acer-
rimum relinquens uxori secutorem ,
securam dirigit profectionem. Tunc
obstinato animo vehementer anxius
Myrmex, nec usquam dominam suam
progredi sinebat , et lanificio domes-
tico destrictam inseparabilis assiste-

..

bat; ac tantum necessario vespertini lavacri progressu, affixus atque conglutinator, extremas manu prehensens lacinias, mira sagacitate commissæ provinciæ fidem tuebatur. Sed ardentem Philesietæri vigilantiam matronæ nobilis pulchritudo latere non potuit. Atque hac ipsa potissimum famosa castitate; et insignis tutelæ nimietate instinctus atque inflammatus, quidvis facere, quidvis pati paratus, ad expugnandam tenacem domus disciplinam totis accingitur viribus. Certusque fragilitatis humanæ fidei, et quod pecuniæ cunctæ sint difficultates perviæ, auroque soleant adamantinæ etiam perfringi fores; opportune nactus Myrmecis solitatem, ei amorem suum aperit: et supplex eum medelam cru-

ciatui deprecatur. Nam sibi statutam decretamque mortem proximare, ni maturius cupito potiatur. Nec eum tamen quidquam in re facili formidare debere. Quippe cum vespera solus, fide tenebrarum contactus atque absconditus, introrepere, et intra momentum temporis remeare posset. His et hujuscemodi suadelis validum addens cuneum, qui rigentem prorsus servi tenacitatem violenter diffinderet. Porrecta enim manu sua, demonstrat ei novitate nimia candentes solidos aureos; quorum viginti quidem puellæ destinasset, ipsi vero decem libenter offerret. Exhorruit Myrmex inauditum facinus, et obclusis auribus aufugit protinus. Nec auri tamen splendor flammeus oculos ipsius exire potuit. Sed quamquam

procul semotus , et domum celeri gradu provectus , videbat tamen decora illa monetæ lumina , et opulentam prædā jam tenebat animo : miroque mentis salo et cogitationum dissensione , misellus in diversas sententias carpebatur ac distrahebatur. Illic fides , hic lucrum ; illic cruciatus , hic voluptas. Ad postremum tamen , formidinem mortis vicit aurum. Nec saltem spatio cupido formosæ pecuniæ leniebatur : sed nocturnas etiam curas invaserat pestilens avaritia ; ut , quamvis herile eum comminatio domi cohiberet , aurum tamen foras evocaret. Tunc devorato pudore , et dimota cunctatione , sic ad aures dominæ mandatum perfert. Nec a genuina levitate descivit mulier , sed exsecrando me-

tallo pudicitiam suam protinus auctorata est. Ita gaudio perfusus, ad suæ fidei præcipitium, Myrmex non modo capere; verum saltem contingere, quam exitio suo viderat, pecuniam cupiens; et magnis suis laboribus perfectum desiderium Philesiæro, lætitia percitus, nuntiat: statimque destinatum pretium reposcit. Et tenet nummos aureos manus Myrmecis, quæ nec æreos norat. Jamque nocte promota solum perducit ad domum, probeque capite contectum, amatorem strenuum infert adusque dominæ cubiculum. Commodum novis amplexibus Amori rudi litabant, commodum prima stipendia Veneri militabant nudi milites: et contra omnium opinionem, captata noctis opportunitate, impro-

visus maritus adsistit. Suæ domus januam jam pulsant, jam clamitant, jam saxo fores verberat: et ipsa tarditate magis magisque suspectus, dira comminatur Myrmeci supplicia. At ille, repentino malo perturbatus, et misera trepidatione ad inopiam consilii deductus, quod solum poterat, nocturnas tenebras causabatur sibi obistere quin clavem curiose absconditam reperiret. Interdum Philesiæ tærus, cognito strepitu, raptim tunicam injectus, sed plane præ trepidatione pedibus intectis, procurrit cubiculo. Tunc Myrmex, tandem clave pessulis subjecta, repandit fores; et recipit tunc etiam fidem deum boantem dominum. Eoque propere cubiculum petente, clandestino transcursu dimittit Philesiæ tærum. Quo

jam pro limine liberato , securus sui ,
 clausa domo , rursum se reddidit
 quieti. Sed dum prima luce Barbarus
 procedit cubiculo , videt sub lectulo
 soleas incognitas , quibus inductus
 Philesiætærus irrepserat : suspectis-
 que e re nata , quæ gesta sunt ; non
 uxori , non ulli familiarium cordolio
 patefacto ; sublati his , et in sinum
 furtim absconditis , jusso tantum
 Myrmece per conservos vincto fo-
 rum versus detrahi , tacitos secum
 mugitus iterans , rapidum dirigit
 gressum , certus solearum indicio
 vestigium adulteri posse se perfacile
 indipisci. Sed ecce , per plateam dum
 Barbarus vultu turgidus subductis-
 que superciliis incedit iratus ; ac pone
 eum Myrmex vinculis obrutus , non
 quidem coram noxæ deprehensus ,

consentientia tamen pessima permixtus lacrymis uberibus , ac postremis lamentationibus inefficacem commovet miserationem : opportune Philesiæ tærus occurrens , quamquam diverso quodam negotio destinatus , repentina tamen facie permotus , non enim deterritus , recolens festinationis suæ delictum , ut cetera consequenter suspicatus , sagaciter extemplo sumpta familiari constantia , dimotis servulis , invadit cum summo clamore Myrmecem , pugnisque malas ejus clementer obtundens , At te , inquit , nequissimum et periturum caput , dominus iste tuus et cuncta cœli numina , quæ dejerando temere devotasti , pessimum pessime perduint ! qui de balneis soleas hesternæ die mihi furatus es : dignus hercules ,

dignus qui et ista vincula conteras ,
et insuper etiam carceris tenebras
perferas. Hac opportuna fallacia vi-
gorati juvenis inductus , immo vero
sublatus , et ad credulitatem delap-
sus Barbarus , postliminio domum
regressus , vocato Myrmece , soleas
illas offerens , et ignovit ex animo ,
et uti domino redderet , cui subri-
puerat , suasit. Hactenus adhuc ani-
cula garriente , suscipit mulier : Bea-
tam illam , quæ tam constantis so-
dalis libertate fruitur ! At ego mi-
sella , molæ etiam sonum , et ecce ,
illius scabiosi asini faciem timentem
familiarem incidi. Ad hæc anus : Jam
ego tibi probe suasum et confirma-
tum animi amatorem illum alacrem ,
vadimonio sistam. Et insuper condic-
ta vespertina regressione , cubiculo

facessit. At pudica uxor statim cœnas saliares comparat, vina pretiosa defæcat, pulmenta recentia tucetis temperat; mensa largiter instructa. Denique ut dei cujusdam adventus, sic exspectatur adulteri. Nam et opportune maritus foris apud naccam proximum cœnitabat. Ergo igitur meridie propinquante, helcio tandem absolutus, refectuique secure redditus, non tam hercules laboris libertate gratulabar, quam quod revelatis luminibus libere jam cunctas facinorosæ mulieris artes prospectare poteram. Sol ipsum quidem delapsus oceanum subterraneas orbis plagas illuminabat: et ecce, nequissimæ anus adhærens lateri temerarius adulter adventat: puer admodum, et adhuc lubrico genarum splendore con-

spicius, adhuc adulteros ipse delectans. Hunc multis admodum savius exceptum, mulier cœnam jubet paratam accumbere. Sed ut primum occursoriam potionem et inchoatum gustum extremis labiis contingebat adulescens; multo celerius opinione rediens, maritus adventat. Tunc uxor egregia, diras devotiones in eum deprecata, et crurum ei fragium obominata, exsanguis formidine trepidantem adulterum alveo ligneo, quo frumenta confusa purgari consueverant, temere propter jacenti suppositum, abscondit: ingenitaque astutia, dissimulato tanto flagitio, intrepidum mentita vultum, percontatur de marito, cur utique contubernalis arctissimi deserta cœnula, præmaturus adforet. At ille dolenti prorsus

animo suspirans assidue, Nefarium, inquit, et extremum facinus perditæ feminæ tolerare nequiens, fuga me proripui. Hem, qualis! Dii boni, matrona, quam fida, quam sobria, turpissimo se dedecore fœdavit! Juro per istam ego sanctam Cererem, me nunc etiam meis oculis de tali muliere minus credere. Hiæ instincta verbis mariti audacissima uxor, noscendæ rei cupiens, non cessat obtundere, totam prorsus a principio fabulam promeret. Nec destitit; donec ejus voluntati succubuit maritus. Et sic, ignarus suorum, domus alienæ percenset infortunia: Contubernalis mei fullonis uxor, alioquin servati pudoris, ut videbatur, femina, quæ semper secundo rumore gloriosa, larem mariti pudice gubernabat, oc-

culta libidine prorupit in adulterum
quempiam. Cumque furtivos am-
plexus obiret assidue, ipso illo de-
nique momento, quo nos lauti cœ-
nam petebamus, cum eodem illo ju-
vene miscebatur in Venerem. Ergo
nostra repente turbata præsentia,
subitario ducta consilio, eundem
illum subjectum contegit vininea
cavea; quæ fustium flexu in erectum
aggerata cumulum, lacinias circum-
datas, suffusa candido fumo sulfuris,
inalbabat. Eoque jam, ut sibi vide-
batur, tutissime celato, mensam no-
biscum secura participat. Interdum
acerrimo gravique odore sulfuris
juvenis inescatus atque obnubilatus,
intercluso spiritu difflebat: utque
est ingenium vivacis metalli, crebras
ei sternutationes commovebat. Atque

ut primum e regione mulieris , pone
tergum ejus maritus acceperat sonum
sternutationis , quod enim putaret ab
ea profectum ; solito sermone salutem
ei fuerat imprecatus , et iterato rur-
sum , et frequentato sæpius ; donec
rei nimietate commotus , quod res
erat tandem suspicatur. Et , impulsa
mensa protinus , remotaque cavea ,
producit hominem crebros anhelitus
ægre efflantem ; inflammatusque in-
dignatione contumeliæ , gladium fla-
gitans , jugulare moriturum gestie-
bat ; ni , respecto communi periculo ,
vix eum ab impetu furioso cohibuis-
sem : asseverans brevi , absque noxa
nostri , suapte inimicum ejus violentia
sulfuris periturum. Nec suadela
mea , sed ipsius rei necessitate leni-
tus , quippe jam semivivum illum

in proximum deportat angiportum.
Tunc uxorem ejus tacite suasi, ac
denique persuasi, secederet paulu-
lum ultra limen tabernæ ad quam-
piam tantisper familiarem sibi mu-
lierem; quoad spatium fervens mariti
sedaretur animus: qui tanto calore,
tantaque rabie percussus, non eram
dubius aliquid etiam de se suaque
conjugis tristius profecto cogitaret
aliud. Contubernalis epularum tædio
fugatus, larem reveni meum. Hæc
recensente pistore, jamdudum pro-
cax et temeraria mulier, verbis exse-
crantibus fullonis illius detestabatur
uxorem: illam perfidam, illam im-
pudicam, denique universi sexus
grande dedecus; quæ, suo pudore
postposito, torique genialis calcato
fœdere, larem mariti lupanari ma-

culasset infamia ; jamque perdita nuptæ dignitate , prostitutæ sibi nomen adsciverit. Addebat et tales oportere vivas exuri feminas. Et tamen taciti vulneris et suæ sordidæ conscientiae commonita , quo maturius stupratorem suum tegminis cruciatu liberaret , idem tamen suadebat martium temporius quieti decedere. At ille , utpote intercepta cœna , profugerat prorsus jejunos , mensam potius comiter postulabat. Apponebat ei propere , quamvis invita , mulier. Quippini ? destinata alii. Sed mihi penitus carpebantur præcordia , et præcedens facinus et præsentem deterrimæ feminae constantiam cogitanti : mecumque sedulo deliberabam , si quo modo possem , detectis ac revelatis fraudibus , auxilium meo

præbere domino : illumque qui ad instar testudinis alveum succubabat, depulso tegmine, cunctis palam facere. Sic herili contumelia me cruciatum tandem cœlestis respexit providentia. Nam senex claudus, cui nostra tutela permissa fuerat, universa nos jumenta, id hora jam postulante, ad lacum proximum bibendi causa gregatim prominabat. Quæ res optatissimam mihi vindictæ subministravit occasionem. Namque prætergrediens, observatos extremos adulteri digitos, qui per angustias cavi tegminis prominebant, obliquata atque infesta ungula compressos, usque ad summam minutiem contero; donec intolerabili dolore commotus, sublato flebili clamore, repulsoque et abjecto alveo, conspectui profano

redditus, scenam propudiosæ mulieris patefecit. Nec tamen pistor damno pudicitiae magnopere commotus, exsanguis pallore trepidantem puerum, serena fronte et propitiata facie commulcens, incipit: Nihil triste de me tibi, fili, metuas. Non sum barbarus, nec agresti morum squallore præditus: nec ad exemplum naccinae truculentiae sulfuris te lethali fumo necabo, ac ne juris quidem severitate lege de adulteriis ad discrimen vocabo capitis tam venustum tamque pulchellum puellum: sed plane cum uxore mea partiario tractabo. Nec erciscundæ familiae, sed communi dividundo formula dimicabo: ut sine ulla controversia vel dissensione, tribus nobis in uno conveniat lectulo. Nam et ipse semper cum mea conju-

ge tam concorditer vixi, ut, ex secta prudentium, eadem nobis ambobus placerent. Sed nec æquitas ipsa patitur habere plus auctoritatis uxorem quam maritum. Talis sermonis blanditiæ cavillatum, deducebat ad torum nolentem puerum, sequentem tamen: et pudicissima illa uxore altrorsus disclusa, solus ipse cum puero cubans, gratissima corruptarum nuptiarum vindicta perfruebatur. Sed cum primum rota solis lucida diem peperit, vocatis duobus e familia validissimis, quam altissime sublato puero, ferula nates ejus obverberans, Tu autem, inquit, tam mollis ac tener, et admodum puer, defraudatis amatoribus ætatis tuæ flore, mulieres appetis; atque eas liberas et connubia lege sociata corrumpis, et intempestivum

tibi nomen adulteri vindicas ? His et pluribus verbis compellatum et insuper affatim plagis castigatum , forinsecus abjicit. At ille adulterorum omnium fortissimus ; insperata potitus salute , tamen nates candidas illas noctu diuque diruptus , mærens profugit. Nec secius pistor ille nuntium remisit uxori , eamque protinus de sua proturbavit domo. At illa , præter genuinam nequitiam , contumelia etiam , quamvis justa , tamen altius commota atque exasperata , ad armillum revertitur , et ad familiares feminarum artes accenditur : magna que cura requisitam veratricem quamdam feminam , quæ devotionibus ac maleficiis quidvis efficere posse credebatur , multis exorat precibus , multisque suffarcinat muneribus ,

alterum de duobus postulans; vel
 rursum mitigato conciliari marito;
 vel, si id nequiverit, certe larva, vel
 aliquo diro numine immisso, violent-
 ter ejus expugnari spiritum. Tunc
 saga illa et divinipotens primis ad-
 huc armis facinorosæ disciplinæ suæ
 velitatur: et vehementer offensum
 mariti flectere, atque in amorem im-
 pellere conatur animum. Quæ res
 cum ei sequius ac rata fuerat prove-
 niret, indignata numinibus, et præ-
 ter præmii destinatum compendium,
 contemptione etiam stimolata, ipsi
 jam miserrimi mariti incipit immi-
 nere capiti, umbramque violenter
 peremptæ mulieris ad exitium ejus
 instigare. Sed forsitan lector scrupu-
 losus, reprehendens narratum meum,
 sic argumentaberis: Unde autem tu

astutule asine, intra terminos pistrini contentus, quid secreto, ut affirmas, mulieres gesserint, scire potuisti? Accipe igitur, quemadmodum homo curiosus, jumentum faciem sustinens, cuncta quæ in perniciem pistoris mei gesta sunt, cognovi. Diem ferme circa mediam, repente intra pistrinum mulier, reatu mira que tristitie deformis, apparuit, flebilis centunculo semiamicta, nudis et intactis pedibus, lurore buxæ macieque fœdata. Et discerptæ comæ semicanæ, sordentes inspersu cineris, pleramque ejus anteventulæ contgebant faciem. Hæc talis, manu pistori clementer injecta, quasi quippiam secreto collocutura, in suum cubiculum seducit eum : et adducta fore, quam diutissime demoratur.

Sed cum esset jam confectum, omne frumentum, quod inter manus opifices tractaverant, necessarioque peti deberet aliud; servuli cubiculum propter astantes dominum vocabant, operique supplementum postulabant. Atque ut illis sæpicule et intervocaliter clamantibus nullus respondit dominus; jam forem pulsare validius: et quod diligentissime fuerat oppessulata, majus pejusque aliquid opinantes, nisu valido reducto vel diffracto cardine, tandem patefaciunt aditum. Nec uspiam reperta illa muliere, vident e quodam tigillo constrictum, jamque exanimem pendere dominum. Eumque nodo cervicis absolutum detractumque, summis plangoribus summisque lamentationibus, atque ultimo lavacro procu-

rant : peractisque feralibus officiis , frequentique prosequente comitatu , tradunt sepulturæ. Die sequenti filia ejus accurrit e proximo castello , in quod pridem denupserat , mæsta , atque crines pendulos quatiens , et interdum pugnis obtundens ubera. Quæ , nullo quidem domus infortunium nuntiante , cuncta cognoverat : sed ei per quietem obtulit sese flebilis patris sui facies , adhuc nodo revincta cervice : eique totum novercæ scelus aperuit , de adulterio , de maleficio , et quemadmodum larvatus ad inferos demeasset. Et cum se diutino plangore cruciasset , accursu familiarium cohibita , tandem pausam luctui fecit. Jamque nono die rite completis apud tumulum solemnibus , familiam , suppellectilemque , et om-

nia jumenta ad hereditariam deducit auctionem. Tunc unum larem, varie dispergit venditionis incertæ licentiosa fortuna. Me denique ipsum pauperculus quidam hortulanus comparat quinquaginta nummis, magno, ut aiebat: sed ut communi labore victum sibi quæreret. Res ipsa mihi poscere videtur, ut hujus quoque servitii mei disciplinam exponam. Matutino me multis oleribus onustum proximam civitatem deducere consueverat dominus; atque ibi venditoribus tradita merce, dorsum insidens meum, sic hortum redire. At dum fodiens, dum irrigans, ceteroque incurvus labore deservit; ego tantisper otiosus, placita quiete recreabar. Sed ecce, siderum ordinatis ambagibus, per numeros dierum ac

mensium remeans anus, post mustulenta autumnī delicias, ad hibernas Capricorni pruinas deflexerat: et assiduis pluviis, nocturnisque rorationibus, sub dio, et intecto conclusus stabulo, continuo discruciar frigore. Quippe cum meus dominus prænīmia paupertate ne sibi quidem, nedum mihi, posset stramen aliquod vel exiguum tegimen parare; sed frondoso casulæ contectus umbraculo degeret. Ad hoc, matutino lutum nimis frigidum, geluque præacuta frustra nudis invadens pedibus, enitebar. Ac ne suctis saltem cibariis ventrem meum replere poteram. Namque et mihi et ipsi domino cœna par ac similis, oppido tamen tenuis, aderat: lactucæ veteres et insuaves illæ, quæ seminis enormi senecta ad

instar scoparum in amaram cœnosi succi cariem exolescunt. Nocte quadam paterfamilias de pago proximo tenebris illunæ caliginis impeditus, et imbre nimio madefactus, atque ob id ab itinere directo cohibitus, ad hortulum nostrum, jam fesso equo, devertit; receptusque comiter pro tempore, licet non delicato, necessario tamen quietis subsidio, remunerari benignum hospitem cupiens, promittit ei, de prædiis suis sese daturum et frumenti et olivi aliquid, et amplius duos vini cados. Nec moratus meus dominus, sacculo et utribus vacuis secum apportatis, nudæ spinæ meæ residens, ad sexagesimum stadium profectionem comparat. Eo jam confecto viæ spatio, pervenimus ad prædictos agros. Ibi que statim meum

dominum comis hospes opipari prandio participat. Jamque his in poculis mutuis altercantibus, mirabile prorsus evenit ostentum. Una de cetera cohorte gallina per mediam cursitans aream, clangore genuino, velut ovum parere gestiens, personabat. Eam suus dominus intuens, O bona, inquit, ancilla, et satis fecunda, quæ multo jam tempore quotidianis nos partibus saginasti! nunc etiam cogitas, ut video, gustulum nobis præparare. Et, Heus, inquit, puer, calathum foetui gallinaceo destinatum, angulo solito collocato. Ita, uti fuerat jussum, procurante puero, gallina consuetæ lecticulæ spreto cubili, ante ipsos pedes domini præmatuum, sed magno prorsus futurum scrupulo, prodidit partum. Non enim

ovum, quod scimus, illud ; sed pinnis et unguibus et oculis et voce etiam perfectum edidit pullum ; qui matrem suam continuo cœpit comitari. Nec eo secius longe majus ostentum , et quod merito omnes perhorrescerent, exoritur. Sub ipsa enim mensa , quæ reliquias prandii gerebat , terra dehiscente imitus , largissimus emicuit fons sanguinis. Hinc resultantes uberrimæ guttæ mensam cruore perspergunt. Ipsoque illo momento , quo stupore defixi mirantur ac trepidant divina præsentia , concurrit unus e cella vinaria , nuntians omne vinum , quod olim diffusum fuerat , in omnibus doliis ferventi calore et prorsus ut igni copioso subdito rebullire. Visæ etiam interea mustelæ mortuum serpentem forinsecus mordicus attra-

hentes : et de ore pastoritii canis vi-
rens exsiluit ranula ; ipsumque ca-
nem , qui proximus consistebat , aries
appetitum unico morsu strangulavit.
Hæc tot ac talia ingenti pavore do-
mini illius et familiæ totius ad extre-
mum stuporem dejecerunt animos :
quid prius , quidve posterius , quid
magis , quid minus numinum cœles-
tium leniendis minis , quot et quali-
bus procuraretur hostiis. Adhuc om-
nibus expectatione teterrimæ for-
midinis torpidis , accurrit quidam
servulus , magnas et postremas do-
mino illi fundorum clades annun-
tians. Namque is adultis jam tribus
liberis , doctrina instructis , et vere-
cundia præditis vivebat gloriosus.
His adolescentibus erat cum quodam
paupere , modicæ casulæ domino ,

vetus familiaritas. At enim casulæ parvulæ conterminos magnos et beatos agros possidebat vicinus poténs, et dives, et juvenis, et prosapiæ majorum gloria male utens, pollensque factionibus, et cuncta facile faciens in civitate, hostili modo vicini tenuis incursabat pauperiem, pecua trucidando, boves abigendo, fruges adhuc immaturas obterendo. Jamque tota frugalitate spoliatum, ipsis etiam glebulis exterminare gestiebat : finiumque inani commota quæstione, terram totam sibi vindicabat. Tunc agrestis, verecundus alioquin, avaritia divitis jam spoliatus, ut suo saltem sepulchro paternum retineret solum, amicos plurimos ad demonstrationem finium, trepidans eximie, corrogarat. Aderant inter alios très

illi fratres, cladibus amici quantulum quantulum ferentes auxilium. Nec tamen ille vesanus tantillum præsens multorum civium territus, vel etiam confusus, licet non rapinis, saltem verbis temperare voluit: sed illis clementer expostulantibus, fervidosque ejus mores blanditiis permulcentibus, repente suam suorumque carorum salutem quam sanctissime adjurans, asseverat, parvi se pendere tot metatorum præsens: denique vicinum illum auriculis per suos servulos sublatum, de casula longissime statimque projectum iri. Quo dicto, insignis indignatio totos audientium pertentavit animos. Tunc unus e tribus fratribus incontanter et paulo liberius respondit: Frustra eum, suis opibus confisum, tyrannica

superbia comminari ; cum alioquin pauperes etiam liberali legum præsidio de insolentia locupletium consueverint vindicari. Quod oleum flammæ , quod sulfur incendio , quod flagellum furis , hoc et iste sermo truculentis hominis nutrimento fuit. Jamque ad extremam insaniam vecors , suspendium sese et totis illis et ipsis legibus mandare proclamans , canes pastoritios , villaticos , feros atque immanes , assuetos abjecta per agros esitare cadavera , præterea etiam transeuntium viatorum passivis morsibus alumnatos , laxari , atque in eorum exitium inhortatos , immitti præcipit. Quo simul signo solito pastorum incensi atque inflammati sunt , furiosa rabie conciti , et latratibus etiam absonis horribiles ,

eunt in homines; eosque, variis aggressi vulneribus, distrahunt ac lacerant: nec fugientibus saltem compescunt; sed eo magis irritatiores sequuntur. Tunc inter confertam trepidæ multitudinis stragem, e tribus junior, offenso lapide atque obtunsis digitis, terræ prosternitur: sævisque illis ac ferocissimis canibus instruit nefariam dapem. Protinus enim nacti prædam jacentem, miserum illum adolescentem frustatim discerpunt. Atque ut ejus lethalem ululatum cognovere ceteri fratres, accurrunt mæsti suppetias: obvolutisque lacinia lævis manibus, lapidum crebris jactibus propugnare fratri atque abigere canes aggrediuntur. Nec tamen eorum ferociam vel conterere vel expugnare potuere. Quippe cum miserr-

musadulescens, ultima voce prolata, vindicarent de pollutissimo divite mortem fratris junioris, illico laniatus interisset. Tunc reliqui fratres, non tam hercules desperata quam ultro neglecta sua salute, contendunt ad divitem : atque ardentibus animis impetuque vesano, lapidibus crebris in eum velitantur. At ille cruentus, et multis ante flagitiis similibus exercitatus percussor, injecta lancea, duorum alterum per pectus medium transadegit. Nec tamen peremptus ac prorsus exanimatus adulescens ille terræ concidit. Nam telum transvectum, atque ex maxima parte pone tergum elapsum, soloque nisus violentia defixum, rigore librato suspenderat corpus. Sed et quidam de servulis procerus et validus, sica-

rio illi ferens auxilium , lapide contorto tertii juvenis dexterum brachium longo jactu petierat : sed impetu casso per extremos digitos transcurrens lapis , contra omnium opinionem , deciderat innoxius. Nonnullam tamen sagacissimo juveni proventus humanior vindictæ speculam subministravit. Ficta namque manus suæ debilitate , sic crudelissimum juvenem compellat : Fruere exitio totius nostræ familiæ , et sanguine trium fratrum insatiabilem tuam crudelitatem pascere , et de prostratis tuis civibus gloriose triumphare , dum scias , licet privato suis possessionibus paupere , fines usque et usque proterminaveris , habiturum te tamen vicinum aliquem. Nam hæc etiam dextera , quæ tuum prorsus ampu-

tasset caput, iniquitate fati cōtusa decidit. Quo sermone alioquin exasperatus furiosus latro, rapto gladio, sua miserrimum juvenem manu perempturus, invadit avidus. Nec tamen sui molliorem provocaverat. Quippeinsperato et longe contra ejus opinionem resistens juvenis, complexu fortissimo arripit ejus dexteram; magnoque nisu, ferro librato, multis et crebris ictibus impuram elidit divitis animam: et ut accurrentium etiam familiarium manu se liberaret, confestim adhuc inimici sanguine delibuto mucrone gulam sibi prorsus exsecuit. Hæc erant, quæ prodigiosa præ sagiverant ostenta; hæc, quæ miserrimo domino fuerant nuntiata. Nec ullum verbum, ac ne tacitum quidem fletum tot malis cir-

cumventus senex , quivit emittere :
sed arrepto ferro , quo commodum
inter suos epulones caseum atque
alias prandii partes diviserat , ipse
quoque ad instar infelicissimi sui filii ,
jugulum sibi multis ictibus contruci-
dat ; quoad super mensam cernuus
corruens , portentosi cruoris maculas
novi sanguinis fluvio proluit. Ad
istum modum puncto brevissimo di-
lapsæ domus fortunam hortulanus
ille miseratus , suosque casus gravi-
ter ingemiscens , depensis pro pran-
dio lacrymis , vacuasque manus com-
plodens sæpicule , protinus incenso
me , retro , qua veneramus , viam ca-
pessit. Nec innoxius ei saltem regres-
sus evenit. Nam quidam procerus ,
et , ut indicabat habitus atque habi-
tudo , miles e legione , factus nobis

obvius, superbo atque arroganti sermone percontatur, quorsum vacuum duceret asinum? At meus dominus adhuc mærore permixtus, et alias latini sermonis ignarus, tacitus præteribat. Nec miles ille familiarem cohibere quivit insolentiam; sed indignatus silentio ejus, ut convicio, viti, quam tenebat, obtundens eum, dorso meo proturbat. Tunc hortulanus supplicue respondit, sermonis ignorantia se, quid ille diceret, scire non posse. Ergo igitur græce subjiciens miles, Ubi, inquit, ducis asinum istum? Respondit hortulanus, petere se civitatem proximam. Sed mihi, inquit, operæ ejus opus est: nam de proximo castello sarcinas præsidis nostri cum ceteris jumentis debet advehere. Et, injecta statim

manu, loro me, quo ducebar, arreptum, incipit trahere. Sed hortulanus prioris plagæ vulnere prolapsus sanguinem capite detergens, rursus deprecatur civilius atque mansuetius versari commilitonem; idque per spes prosperas ejus orabat adjurans. Nam et hic ipse, aiebat, iners asellus, et nihilominus morbo detestabili caducus, vix etiam paucos olerum manipulos de proximo hortulo solet anhelitu languido fatigatus subvehere; nedum ut rebus amplioribus idoneus videatur gerulus. Sed ubi nullis precibus mitigari militem, magisque in suam perniciem advertit efferari, jamque inversa vite de vastiore nodulo cerebrum suum diffindere, currit ad extrema subsidia: simulansque ad commovendam miserationem ge-

naa ejus velle contingere , submissus atque incurvatus , arreptis ejus pedibus utrisque sublime elatum , terræ graviter applodit : et statim qua pugnis , qua cubitis , qua morsibus , etiam de via lapide correpto , totam faciem manusque ejus et latera con- verberat. Nec ille , ut primum humi supinatus est , vel repugnare vel omnino munire se potuit : sed plane idemtidem comminabatur , si surrexisset , sese concisurum eum machæra sua frustatim. Quo sermone ejus commonefactus hortulanus , eripit ei spatham ; eaque longissime abjecta , rursus sævioribus eum plagis aggreditur. Nec ille , prostratus ac præventus vulneribus , ullum reperire quiens saluti subsidium , quod solum restabat , simulat sese mortuum.

Tunc spatham illam secum asportans hortulanus , inscenso me , concito gradu recta festinat ad civitatem. Nec hortulum suum saltem curans invisere , ad quempiam sibi devertit familiarem : cunctisque narratis , deprecatur periclitanti sibi ferret auxilium ; seque cum suo sibi asino tantisper occultaret ; quoad celatus spatio bidui triduve capitalem causam evaderet. Nec oblitus ille veteris amicitiae , prompte suscipit : meque per scalas , complicitis pedibus in superius cœnaculum attracto , hortulanus deorsus in ipsa tabernula derepit in quamdam cistulam , et supergesto delitescit orificio. At miles ille , ut postea didici , tandem velut einersus gravi crapula , nutabundus tamen , et tot plagarum dolore saucius , bacu-

loque se vix sustinens civitatem adventat : confususque de impotentia , deque inertia sua quidquam ad quemquam referre popularium , sed tacitus injuriam devorans , quosdam commilitiones nactus , istas tum clades enarrat suas. Placuit ut ipse quidem contubernio se tantisper absconderet. Nam præter propriam contumeliam , militaris etiam sacramenti genium ob amissam spatham verebatur : ipsi autem , signis nostris enotatis , investigationi vindictæque sedulam darent operam. Nec defuit vicinus perfidus , qui nos illico occultari nuntiaret. Tum commilitones arcessitis magistratibus , mentiuntur sese multipretii vasculum argenteum præsidis in via perdidisse : idque hortulanum reperisse , nec velle res-

tituere; sed apud familiarem quemdam sibi delitescere. Tunc magistratus, cum damno præsidis nomine cognito, veniunt ad deversorii nostri fores; claraque voce denuntiant hospili nostro, nos, quos occultaret apud se, certo certius dedere, potius, quam discrimen proprii subiret capitis. Nec ille tantillum conterritus, salutique studens ejus, quem in suam receperat fidem, quidquam de nobis fatetur: ac diebus plusculis non vidisse quidem illum hortulanum contendit. Contra commilitones ibi, nec uspiam, illum delitescere, adjurantes genium principis, contendebant. Postremum magistratibus placuit, obstinate denegantem scrutinio detegere. Immissis itaque lictoribus, ceterisque publicis ministeriis, angu-

latum cuncta sedulo perlustrari jubent: nec quisquam mortalium, ac ne ipse quidem asinus intra limen comparere nuntiatur. Tunc gliscit violentior utrimque secus contentio militum, pro comperto de nobis asseverantium, fidemque Cæsaris idemtidem implorantium, at illius negantis, assidueque deum numen obtestantis. Qua contentione et clamoso strepitu cognito, curiosus alioquin, et inquieti procacitate præditus asinus, dum obliquata cervice per quamdam fenestrulam, quidnam sibi vellet tumultus ille, prospicere gestio; unus e commilitonibus, casu fortuito collimatis oculis ad umbram meam, cunctos testatur incoram. Magnus denique continuo clamor exortus est. Et emensis protinus scalis, injecta

74 APULEII LIBER IX.

manu quidam me velut captivum detrahunt. Jamque omni sublata contatione, scrupulosius contemplantes singula, cista etiam illa revelata, repertum, productumque et oblatum magistratibus miserum hortulanum, pœnas scilicet capite pensurum, in publicum deducunt carcerem : summoque risu meum prospectum cavillari non desinunt. Unde etiam de prospectu et umbra asini natum est frequens proverbium.

A P U L E I I
METAMORPHOSEON
LIBER DECIMUS.

ARGUMENTUM

LIBRI DECIMI.

CONTINETUR militis cum asino ad civitatem accessus : facinoris muliebris ob amorem incestum infandumque luculenta descriptio : asini duobus fratribus facta venditio ; quorum alter pistor erat , alter coquus : mox fratrum ob asini furtivam rapinam cibariam, dissidium atque contentio. Asini vita genialis et parasitica sub domino mitiore , ejusdemque cum matrona amorabunda concubitus : feminæ scelestæ ad bestias damnatio : judicii paridis editio : asini fuga ex spectaculo.

LIBER X.

DIE sequenti meus quidem dominus hortulanus quid egerit, nescio. Me tamen miles ille, qui propter eximiam impotentiam pulcherrime vapularat, ab illo præsepio, nullo equidem contradicente, deductum abducit; atque a suo contubernio, hoc enim mihi videbatur, sarcinis propriis onustum, et prorsus exornatum armatumque militariter, producit ad viam. Nam et galeam nitore præmicantem, et scutum cetra longius relucens, sed et lanceam longissimo hastili conspicuam, quam scilicet non disciplinæ tunc quidem causa, sed propter terrendos miseros viatores, in

summo atque edito sarcinarum cumulo ad instar exercitus sedulo composuerat. Confecta campestri nec adeo difficili via, ad quamdam civitatulam pervenimus; nec in stabulo; sed in domo cujusdam decurionis devertimus. Statimque me commendato cuidam servulo, ipse ad præpositum suum, qui mille armatorum ducatum sustinebat, sollicite proficiscitur. Post dies plusculos ibidem designatum scelustum ac nefarium facinus memini. Sed, ut vos etiam legatis, ad librum profero. Dominus ædium habebat juvenem filium probe litteratum, atque ob id consequenter pietate et modestia præcipuum; quem tibi quoque provenisse cuperes, vel talem. Hujus matre multo ante defuncta, rursum matrimonium sibi reparaverat:

ductaque alia filium procreaverat
aliū, qui adæque jam duodecimum
ætatis annum supergresserat. Sed
noverca, forma magis quam mori-
bus in domo mariti præpollens, seu
naturaliter impudica, seu fato ad ex-
tremum impulsa flagitium, oculos
ad privignum adjecit. Jam ergo, lec-
tor optime, scito te tragædiam, non
fabulam legere, et a socco ad co-
thurnum ascendere. Sed mulier illa,
quam diu primis elementis Cupido
parvulus nutriebatur, imbecillis ad-
huc ejus viribus, facile ruborem te-
nuem deprimens, silentio resistebat.
At ubi completis igne vesano to-
tis præcordiis, immodice bacchatus
Amor exæstuabat, sævienti deo jam
succubuit: ac languore simulato, vul-
nus animi mentitur in corporis vale-

tudine. Jam cetera salutis vultusque detrimenta et ægris amantibus examussim convenire, nemo est qui nesciat. Pallor deformis, marcentes oculi, lassa genua, quies turbida, et suspiritus cruciatus tarditate vehementior. Crederes et illam fluctuare tantum vaporibus februm; nisi quod et flebat. Heu medicorum ignaræ mentes! Quid venæ pulsus, quid caloris intemperantia, quid fatigatus anhelitus, et utrimque secus jactatæ crebriter laterum mutæ vicissitudines? Dii boni! quam facilis, licet non artificii medico, cuivis tamen docto veneræ cupidinis, comprehensio; cum videas aliquem sine corporis calore flagrantem. Ergo igitur impatentia furoris altius agitata, diutinum rupit silentium; et ad se vocari præci-

pit filium. Quod nomen in eo ipso ,
scilicet ne ruboris admoneretur , li-
benter craderet. Nec adulescens ægræ
parentis moratus imperium , senili
tristitie striatam gerens frontem , cu-
biculum petit uxoris patris matris-
que fratris, utcumque debitum sistens
obsequium. Sed illa cruciabili silen-
tio diutissime fatigata , et ut in quo-
dam vado dubitationis hærens , omne
verbum , quod præsentī sermoni pu-
tabat aptissimum, rursum improbans,
nutante etiam nunc pudore , unde po-
tissimum caperet exordium , decon-
tatur. At juvenis nihil etiam tunc se-
quius suspicatus, submisso vultu ro-
gat ultro præsentis causas ægritudi-
nis. Tunc illa nacta solitudinis dam-
nosam occasionem , prorumpit in au-
daciam : et ubertim allacrymans , la-

ciniaque contegens faciem, voce tre-
pida sic eum breviter affatur : Causa
omnis et origo præsentis doloris , et
etiam medela ipsa et salus unica mihi
tute ipse es. Isti enim tui oculi per
meos oculos ad intima delapsi præ-
cordia , meis medullis acerrimum
commovent incendium. Ergo mise-
rere tua causa pereuntis : nec te re-
ligio patris omnino deterreat ; cui mo-
rituram prorsus servabis uxorem.
Illius enim recognoscens imaginem
in tua facie , merito te diligo. Habes
solitudinis plenam fiduciam , habes
capax necessari facinoris otium. Nam
quod nemo novit , pene non fit. Re-
pentino malo perturbatus adulescens ;
quamquam tale facinus protinus ex-
horruisset , non tamen negationis in-
tempestiva severitate putavit exa-

sperandam , sed cautæ promissionis
dilatione leniendam. Ergo prolixé
pollicetur , et bonum caperet ani-
mum , refectionique se ac saluti red-
deret , impendio suadet ; donec patris
aliqua profectione liberum voluptati
concederetur spatium : statimque se
refert a noxio conspectu novercæ. Et
magnam domus cladem ratus indi-
gere consilio pleniore , ad quemdam
compertæ gravitatis educatorem se-
nem protinus refert. Nec quidquam
diutina deliberatione tam salubre vi-
sum , quam fuga celeri procellam
fortunæ sævientis evadere. Sed im-
patiens vel exiguæ dilationis mulier ,
ficta qualibet causa , confestim ma-
rito miris persuadet artibus ad lon-
gissime dissitas festinare villulas.
Quo facto , maturatæ spei vesania

præceps promissæ libidinis flagitat vadimonium. Sed juvenis , modo istud , modo illud causæ faciens , execrabilem frustratur ejus aspectum ; quoad illa nuntiorum varietate pollicitationem sibi denegatam manifesto perspicuens ; mobilitate lubrica nefarium amorem ad longe deterius transtulisset odium. Et , assumpto statim nequissimo et ad omne facinus emancipato quodam dotali servulo , perfidiæ suæ consilia communicat. Nec quidquam melius videtur , quam vita miserum privare juvenem. Ergo missus continuo furcifer venenum præsentarium comparat ; idque vino diligenter dilutum insontis privigni præparat exitio. Ac dum de oblationis opportunitate secum noxii deliberant homines ; forte fortuna puer

ille junior, proprius pessimæ feminae filius, post matutinum laborem studiorum domum se recipiens, prandio jam capto sitiens, repertum vini poculum, in quo venenum latebat inclusum, nescius fraudis occultæ, continuo perduxit haustu. Qui, ubi fratri suo paratam mortem ebibit, exanimis terræ procumbit. Illico repentina pueri perniciæ pædagogus commotus, ululabili clamore matrem totamque ciet familiam. Jamque cognito casu noxiæ potionis, varie quisque præsentium auctores insimulabant extremi facinoris. Sed dira illa femina et malitiæ novercalis exemplar unicum, non acerba filii morte, non parricidii conscientia, non infortunio domus, non luctu mariti, vel ærumna funeris commota, clade fa-

miliæ vindictæ compendium traxit; misitque protinus cursorem, qui vianti marito domus expugnationem nuntiaret. Ac mox eodem ocius ab itinere regresso, personata nimia temeritate, insimulat privigni venenum filium suum interemptum. Et hic quidem non adeo mentiebatur, quod jam destinatam juveni mortem prævenisset puer. Sed fratrem juniorem fingebat ideo privigni scelere peremptum, quod ejus probrosæ libidini, qua se comprimere tentaverat, noluisset succumbere. Nec tam immanibus contenta mendaciis, addebat sibi quoque ob detectum flagitium eundem illum gladio comminari. Tunc infelix, duplici filiorum morte percussus, magnis ærumnarum procellis æstuat. Nam et junio-

rem incoram sui funerari videbat ;
et alterum, ob incestum parricidium-
que , capitis scilicet damnatum iri
certo sciebat. Ad hoc uxoris dilectæ
nimium mentitis lamentationibus ,
ad extremum sobolis impellebatur
odium. Vix dum pompæ funebres ,
et sepultura filii fuerat explicata ; et
statim ab ipso ejus rogo senex infe-
lix , ora sua recentibus adhuc rigans
lacrymis , trahensque cinere sorden-
tem canitiem , foro se festinus immit-
tit. Atque ibi tum fletu , tum preci-
bus , genua etiam decurionum con-
tingens , nescius fraudium pessimæ
mulieris , in exitium reliqui filii ple-
nis operabatur affectibus : illum in-
cestum paterno thalamo , illum par-
ricidam fraterno exitio , et in com-
minata novercæ nece sicarium. Tanta

denique miseratione, tantaque indignatione curiam, sed et plebem mærens inflammaverat; ut remoto judicandi tædio, et accusationis manifestis probationibus, et responsionis meditatis ambagibus, cuncti conclamarint: Lapidibus obrutum publicum malum publice vindicari. Magistratus interim, metu periculi proprii, ne de parvis indignationis elementis ad exitium disciplinæ civitatisque seditio procederet, partim decuriones deprecari, partim populares compescere, ut rite et more majorum judicio reddito, et utrimque secus allegationibus examinatis, civiliter sententia promeretur: nec, ad instar barbaricæ feritatis, vel tyrannicæ impotentiae, damnaretur aliquis inauditus; et in pace placida tam dirum

seculo proderetur exemplum. Placuit salubre consilium: et illico jussus præco pronuntiat, Patres in curiam convenirent. Quibus protinus dignitatis jure consueta loca residentibus, rursum præconis boatu, primus accusator incedit. Tunc demum clamatus inducitur etiam reus: et exemplo legis atticæ, martiique judicii, causæ patronis denuntiat præco, neque principia dicere, neque miserationem commovere. Hæc ad istum modum gesta, compluribus mutuo sermocinantibus cognovi. Quibus autem verbis accusator urserit, quibus rebus diluerit reus, ac prorsus orationes altercationesque neque absens ipse apud præsepium scire, neque ad vos, quæ ignoravi, possum enuntiare: sed quæ plane comperi, ad

istas litteras proferam. Simul enim finita est dicentium contentio ; veritatem criminum fidemque probationibus certis instrui , nec suspicionibus tantam conjecturam permitti placuit : atque illum potissimum servum , qui solus hæc ita gesta esse scire diceretur , sisti modis omnibus oportere. Nec tantillum cruciarius ille , vel fortuna tam magni judicii , vel confertæ conspectu curiæ , vel certe noxia conscientia sua deterritus , quæ ipse finxerat , quasi veræ asseverare atque asserere incipit. Quod se vocasset indignatus fastidio novercæ juvenis ; quod ulciscens injuriam , filii ejus mandaverit necem ; quod promisisset grande silentii præmium ; quod recusanti mortem sit comminatus ; quod venenum sua manu

temperatum dandum fratri reddiderit; quod ad criminis probationem reservatum poculum neglexisse suspicatus, sua postremum manu porrexerit puero. Hæc eximia enim ad veritatis imaginem verberone illo simulata trepidatione perferente, finitum est iudicium. Nec quisquam decurionum tam æquus remanserat juveni, quin eum evidenter noxæ compertum insui culleo pronuntiaret. Cum jam sententiæ pares, cunctorum stylis ad unum sermonem congruentibus, ex more perpetuo in urnam æream deberent conjici: quo semel conditis calculis, jam cum rei fortuna transacto, nihil postea commutari licebat: sed mancipabatur potestas capitis in manum carnificis: unus e curia senior, præ ceteris com-

pertæ fidei atque auctoritatis præcipuæ medicus, orificium urnæ manu contegens, ne quis mitteret calculum temere, hæc ad ordinem protulit: Quod ætatis sum vobis approbatum, me vixisse gaudeo. Nec patiar, falsis criminibus petito reo, manifestum homicidium perpetrari: nec vos, qui jurejurando adstricti judicatis, inductos servuli mendacio pejerare. Ipse non possum, calcata numinum religione, conscientiam meam fallens, perperam pronuntiare. Ergo ut res est, de me cognoscite. Furcifer iste venenum præsentarium comparare sollicitus, centumque aureos solidos offerens pretium, mecum non olim convenerat; quod ægroto cuidam dicebat necessarium, qui morbi inextricabilis veterno ve-

hementer implicitus, vitæ se cruciatui subtrahere gestiret. At ego perspicuens malum istum verberonem blatterantem, atque inconcinne causificantem, certusque aliquod moliri flagitium, potionem quidem dedi; sed futuræ quæstioni præcavens, non statim pretium, quod offerebatur, accepi. Sed, ne forte aliquis, inquam, istorum, quos offers, aureorum nequam vel adulter reperiatur; in hoc ipso sacculo conditos eos annulo tuo prænota, donec altera die nummulario præsentē comprobentur. Sic inductus, signavit pecuniam. Quam exinde, ut ipse repræsentatus est iudicio, jussi de meis aliquem curriculo taberna promptam afferre. Et en ecce, perlatam coram exhibeo. Videat, et suum sigillum recognos-

cat. Nam quemadmodum ejus venenā frater insimulari potest quod iste comparaverit? Ingens exinde verberonem corripit trepidatio, et in vicem humani coloris succedit pallor infernus; perque universa membra frigidus sudor emanabat. Tunc pedes incertis alternationibus commovere; modo hanc, modo illam partem scalpere capitis; et ore semiclauso balbutiens, nescio quas affanias effutire; ut eum nemo prorsus a culpa vacuum merito crederet. Sed revalesciente rursus astutia, constantissime negare, et arcessere mendacii medicum non desinit. Qui præter judicii religionem, cum fidem suam coram lacerari videret, multiplicato studio verberonem illum contendit redarguere: donec jussu magistratuum mi-

nisteria publica, contractatis nequissimi servi manibus, annulum ferreum deprehensum cum signo sacculi conferunt. Quæ comparatio præcedentem roboravit suspicionem. Nec rota, vel eculeus, more Græcorum, tormentis ejus apparatus, jam deerant: sed obfirmatus mira præsumptione, nullis verberibus ac ne ipso quidem succubuit igni. Tunc medicus, Non patiar, inquit, hercules, non patiar, vel contra fas de innocente isto juvene supplicium vos sumere; vel hunc, ludificato nostro judicio, pœnam noxii facinoris evadere. Dabo enim rei præsentis evidens argumentum. Nam cum venenum peremptorium comparare pessimus iste gestiret; nec meæ sectæ crederem convenire causas ulli præbere mortis; nec exilio,

sed saluti hominum, medicinam quæsitam esse didicissem : verens , ne , si daturum me negassem , intempestiva repulsa viam sceleri subministrarem ; et ab alio quopiam exitiabilem mercatus hic potionem , vel postremum gladio vel quovis telo nefas inchoatum perficeret ; dedi non venenum , sed somniferum mandragoram , illum gravedinis compertæ famosum , et morti simillimi soporis efficacem . Nec mirum , desperatissimum istum latronem , certum extremæ pœnæ , quæ more majorum in eum competit , cruciatus istos ut leviores facile tolerare . Sed si vere puer meis temperatam manibus sumpsit potionem , vivit , et quiescit , et dormit ; et protinus marcido sopore discusso remeabit ad diem lucidam . Quod si vere peremp-

tus est, si vere morte præventus est; quærat licet causas mortis ejus alias. Ad istum modum seniore adorante, placuit: et itur confestim magna cum festinatione ad illud sepulcrum quo corpus pueri depositum jacebat. Nemo de curia, de optimatibus nemo, ac ne de ipso quidem populo quisquam, qui non illuc curiose confluerit. Ecce pater, suis ipse manibus cooperculo capuli remoto, commodum discusso mortifero sopore, surgentem postliminio mortis deprehendit filium; eumque complexus arctissime, verbis impar præsentî gaudio, producit ad populum: atque, ut erat adhuc feralibus amiculis obstrictus atque obditus, deportatur ad judicium puer. Jamque liquido servi nequissimi, atque mulieris nequioris patefac-

tis sceleribus, procedit in medium nuda veritas. Et novercæ quidem perpetuum indicitur exsilium : servus vero patibulo suffigitur : et omnium consensu , bono medico sinuntur aurei , opportuni somni pretium. Et illius quidem senis famosa atque fabulosa fortuna , providentiæ divinæ condignum accepit exitum : qui momento modico , immo puncto exiguo , post orbitatis periculum , adolescentium duorum pater repente factus est. At ego tunc temporis talibus fatorum fluctibus volutabar : miles ille qui me, nullo vendente, comparaverat, et sine pretio suum fecerat , tribuni sui præcepto debitum sustinens obsequium , litteras ad magnum scriptas principem Romam versus perlaturus , vicinis me quibusdam duobus servis

fratribus undecim denariis vendidit. His erat dives admodum dominus. At illorum alter pistor dulciarius, qui panes et mellita concinnabat edulia; alter coquus, qui sapidissimis intrimentis succuum pulmenta condita, vapore molliabat. Unico illi contubernio communem vitam sustinebant, meque ad vasa illa compluria gestanda præstinarant, quæ, domini, regiones plusculas pererrantis, variis usibus erant necessaria. Adsciscor itaque inter duos illos fratres tertius contubernalis; haud ullo tempore tam benivolam fortunam expertus. Nam vespera, post opiparas cœnas earumque splendidissimos apparatus, multas numero partes in cellulam suam mei solebant reportare domini: ille porcorum, pullorum,

piscium, et ejuscemodi pulmento :
rum largissimas reliquias : hic panes,
crustula, lucunculos, hamos, lacer-
tulos, et plura scitamenta mellita.
Qui cum se refecturi, clausa cellula,
balneas petissent; oblati ego divi-
nitus dapibus affatim saginabar. Nec
enim tam stultus eram, tamque vere
asinus, ut dulcissimis illis relictis
cibis, cœnarem asperriuum fœnum.
Et diu quidem pulcherrime mihi fu-
ratrinæ procedebat artificium : quip-
pe adhuc timide et satis parce subri-
pienti de tam multis pauciora, nec
illis fraudes ullas in asino suspican-
tibus. At ubi fiducia latendi pleniore
capta, partes opimas quasque devo-
rabam, et rancidiora seligens, abligu-
ribam dulcia; suspicio non exilis fra-
trum pupugit animos. Et quamquam

de me nihil etiam tunc tale crederent; tamen quotidiani damni studiose vestigabant reum. Illi vero postremo, etiam mutuo sese rapinæ turpissimæ griminabantur. Jamque curam diligentio rem, et acriorem custodelam, et dinumerationem adhibebant partium. Tandem denique rupta verecundia, sic alter alterum compellat: At istud jam neque æquum, ac ne humanum, fidem minuere quidem quotidie, ac partes electiones subripere; atque iis divenditis, peculium latenter augere: de reliquis æquam vindicare divisionem. Si tibi denique societas ista displicet, possumus omnia quidem cetera fratres manere, ab isto tamen nexu communionis discedere. Nam video in immensum damni procedentem querelam, nutrire

nobis immanem discordiam. Subjicit alius : Laudo istam tuam mehercules et ipse constantiam ; quod , quotidie furatis clanculo partibus , prævenisti querimoniam , quam diutissime sustinens tacitus ingemiscebam ; ne viderer rapinæ sordidæ meum fratrem arguere. Sed bene , quod utrimque secus sermone prolato , jacturæ remedium quæritur ; ne silentio procedens simultas , Eteocleas nobis contentiones pariat. His et similibus altercati conviciis , dejerant utrique , nullam se prorsus fraudem , nullam denique subreptionem factitasse ; sed plane debere cunctis artibus communis dispendii latronem inquiri. Nam neque asinum , qui solus interesset , talibus cibis affici posse ; et tamen quotidie partes electibiles comparere

nusquam; nec utique cellulam suam tam immanes involare muscas, ut olim Harpyiæ fuere, quæ diripiebant phineias dapes. Interea liberalibus cœnis inescatus, et humanis affatim cibus saginatus, corpus obesa pinguitie compleveram; corium arvina succulenta molliveram; pilum liberali nitore nutriveram. Sed iste corporis mei decor, pudori peperit grande dedecus. Insolita namque tergoris vastitate commoti, fœnum prorsus intactum quotidie remanere cernentes, jam totos ad me dirigunt animos. Et, hora consueta velut balneas petituri, clausis ex more foribus, per quamdam modicam cavernam rimantur me passim expositis epulis inhærentem. Nec ulla cura jam damni sui habita, mirati monstruo-

sas asini delicias , risu maximo dirumpuntur; vocatoque uno, et altero, ac deinde pluribus conservis, demonstrant infandam memoratu hebetis jumentum gulam. Tanta denique ac tam liber cachinnus cunctos invaserat, ut ad aures quoque prætereuntis perveniret domini. Sciscitatus denique, quid, bonum! rideret familia: cognito quod res erat, ipse quoque per idem prospiciens foramen, delectatur eximie: ac dein risu ipse quoque latissimo, adusque intestinorum dolorem redactus, jam patefacto cubiculo proxime consistens, coram arbitratur. Nam et ego tandem ex aliqua parte mollius mihi renidentis fortunæ contemplatus faciem, gaudio præsentium fiduciam mihi subministrante, nec tantillum com-

motus, securus esitabam : quoad novitate spectaculi lætus dominus ædium, duci me jussit ; immo vero suis et ipse manibus ad triclinium perduxit : mensaque posita, omne genus edulium solidorum et illibata fercula jussit apponi. At ego, quamquam jam bellule suffarcinatus, gratiorem commendatioremque me tamen ei facere cupiens, esurienter exhibitas escas appetebam. Nam et quidquid potissimum abhorreret asinus excogitantes scrupulose, ad explorandam mansuetudinem id offerebant mihi : carnes lasere infectas, altilia pipere inspersa, pisces exotico jure perfusos. Interim convivium summo risu personabat. Quidam denique præsens scurrula, Date, inquit, sodali huic quippiam meri. Quod dic-

tum dominus secutus , Non adeo ,
respondit , absurde jocus es , fur-
cifer : valde enim fieri potest , ut
contubernalis noster paululum quo-
que mulsi libenter appetat. Et ,
Heus , ait , puer , lautum diligenter
ecce illum aureum cantharum mulso
contempera , et offer parasito meo :
simul , quod ei præbiberim , com-
moneto. Ingens exin oborta est epu-
lonum expectatio. Nec ulla tamen
ego ratione contreritus , otiose ac
satis genialiter contorta in modum
linguæ extrema labia , grandissimum
illum calicem uno haustu perhausi.
Clamor exsurgit consona voce cunc-
torum salute me prosequentium. Ma-
gno denique delibutus gaudio domi-
nus , vocatis servis suis emptoribus
meis , jubet quadruplum restitui pre-

tium ; meque cuidam acceptissimo liberto suo , et satis peculiato , magna præfatus diligentia , tradidit. Qui me satis humane satisque comiter nutriebat : et , q̃to se patrono commendatorem faceret , studiosissime voluptates ejus per meas argutias instruebat. Et primum me quidem mensam accumbere suffixo cubito , dein adluctari , et etiam saltare sublati primoribus pedibus perdocuit : quodque esset apprime mirabile , verbis nutum commodare ; ut quod nollem , relato , quod vellem , dejecto capite monstrarem ; sitiensque , pocillatore respecto , ciliis alterna connivens bibere flagitarem. Atque hæc omnia perfacile obediebam : quæ nullo etiam monstrante scilicet facerem. Sed verbar , ne , si forte sine magistro , hu-

- mano ritu ederem, plerique ratiscaevum præsagium portendere, velut monstrum portentumque me obtruncatum vulturiis opimum pabulum redderent. Jamque rumor publice crebruerat, quo conspectum atque famigerabilem meis miris artibus effeceram dominum: Hic est qui sodalem convivamque possidet luctantem asinum, saltantem asinum, jocantem asinum, voces humanas intelligentem, sensum nutibus exprimentem. Sed prius est, ut vobis, quod initio facere debueram, vel nunc saltem referam, quis iste vel unde fuerit. Thyasus, hoc enim nomine meus
- nuncupabatur dominus, oriundus patria Corintho, quod caput est totius Achaiae provinciae, ut ejus propria atque dignitas postulabat, gra-

datim permensis honoribus , quinquennali magistratui fuerat destinatus : et , ut splendori capessendorum responderet fascium , munus gladiatorum triduanispectaculi pollicitus , latius munificentiam suam porrigebat. Denique gloriæ publicæ studio tunc Thessaliam etiam accesserat , nobilissimas feras et famosos inde gladiatores comparaturus. Jamque ex arbitrio dispositis coemptisque omnibus , domuitionem parabat ; spretis luculentis illis suis vehiculis , ac posthabitis decoris prædarum carpentis , quæ partim contexta , partim revelata , frustra novissimis trahebantur consequiis ; equis etiam thessalicis , et aliis jumentis gallicanis , quibus generosa soboles perhibet pretiosam dignitatem : me phaleris

aureis , et fucatis ephippiis , et purpureis tapetis , et frenis argenteis , et pictilibus baltheis , et tintinnabulis perargutis exornatum , ipse residens amantissime nonnumquam comissimis affatur sermonibus. Atque inter alia pleraquè summe se delectari profitebatur , quod haberet in me simul et convivam et vectorem. At ubi partim terrestri, partim maritimo itinere confecto , Corinthum accessimus ; magnæ civium turbæ confluebant : ut mihi videbatur , non tantum Thyasidantes honori , quam mei conspectus cupientes. Nam tanta ibidem etiam de me fama pervaserat ; ut non mediocri quæstui præposito illi meo frerim. Qui , cum multos videret nimio favore lusus meos spectare gestientes , obserata fore , atque singulis

eorum seorsus admissis , stipes acceptans non parvas , summulas diurnas corradere consuevit. Fuit in illo conventiculo matrona quædam pol-
lens et opulens ; quæ more ceterorum visum meum mercata , ac dehinc multiformibus ludicris delectata , per admirationem assiduam paulatim in admirabilem mei cupidinem incidit : nec ullam vesanæ libidini medelam capiens , ad instar asinariæ Pasiphææ complexus meos ardentem expectabat : grandi denique præmio cum altore meo depacta est noctis unius concubitum. At ille nequam , ut posset de me suave provenire , lucro suo tantum contentus , annuit. Jam denique cœnati e triclinio domini decesseramus ; et jam dudum præstolantem cubiculo meo matronam offendimus. Dii boni !

qualis ille , quamque præclarus apparatus ! Quatuor eunuchi confestim pulvillis compluribus ventose tumebus pluma delicata terrestrem nobis cubitum præstruunt : sed et stragula veste , auro ac murice tyrio depicta , probe consternunt : ac desuper brevibus admodum , sed satis copiosis pulvillis , aliis nimis modicis , qui maxillas et cervices delicatæ mulieres suffulcire consuerunt , superstruunt : nec dominæ voluptates diutina sua præsentia morati , clausis cubiculi foribus , facessunt. At intus cerei præclara micantes luce , nocturnas nobis tenebras inalbebant. Tunc ipsa cuncto prorsus spoliata tegmine , tænia quoque , qua decoras devinxerat papillas , lumen propter assistens , de stanneo vasculo multo sese perungit

oleo balsamo; meque indidem largissime perfricat : sed multo tanto impensius crura etiam natesque perfundit meas. Tunc exosculata pressule, non qualia in lupanari solent basiola jactari, vel meretricum poscinummia, vel adventorum negotiinummia, sed pura atque sincera instruit; et blandissimos affatus : Amo, et Cupio, et Te solum diligo, et, Sine te jam vivere nequeo : et cetera, quis mulieres et alios inducunt et suas testantur affectiones. Capistroque me prehensum, more quo didiceram declinat facile. Quippe cum nil novi, nihilque difficile facturum mihi viderer; præsertim post tantum temporis tam formosæ mulieris cupientis amplexus obiturus. Nam et vino pulcherrimo atque copioso me-

..

met madefeceram ; et unguento fragrantissimo prolubium libidinis suscitaram. Sed angebar plane non exili metu , reputans quemadmodum tantis tamque magnis cruribus possem delicatam matronam inscendere ; vel tam lucida , tamque tenera , et lacte ac melle confecta membra duris ungulis complecti : labiasque modicas ambrosio rore purpurantes tam amplo ore tamque enormi , et saxeis dentibus deformi saviari : novissime , quo pacto , quamquam ex unguiculis perpruriscens , mulier tam vastum genitale susciperet. Heu me , qui disrupta nobili femina , bestiis objectus , munus instructurus sim mei domini ! Molles interdum vocular , et assidua savia , et dulces gannitus commorsicantibus oculis iterabat illa. Et in

summa, Teneo te, inquit, teneo meum palumbulum, meum passerem. Et cum dicto vanas fuisse cogitationes meas ineptumque monstrat metum. Arctissime namque complexa totum me, prorsus sed totum recepit. Illa vero, quotiens ei parcens nates recellebam, accedens totiens nisu rabido, et spinam prehensdens meam appliciore nexu inhærebat: ut hercules etiam deesse mihi aliquid ad supplendam ejus libidinem crederem; nec Minotauri matrem frustra delectatam putarem adultero mugiente. Jamque operosa et pervigili nocte transacta, vitata lucia conscientia, facessit mulier, condicto pari noctis futuræ pretio. Nec gravate magister meus voluptates ex ejus arbitrio largiebatur, par-

tim mercedes amplissimas acceptando , partim novum spectaculum domino præparando. Incontanter ei denique libidinis nostræ totam detegit scenam. Atille, liberto magnifice munerato , destinat me spectaculo publico. Et quoniam neque egregia illa uxor mea propter dignitatem , neque prorsus ulla alia inveniri poterat grandi præmio ; vilis acquiritur aliqua , sententia præsidis bestiis addicta , quæ mecum incoram publicam populi caveam frequentaret. Ejus pene talem cognoveram fabulam. Maritum habuit , cujus pater peregre proficiscens mandavit uxori suæ , matri ejusdem juvenis , quod enim sarcina prægnationis oneratam eam relinquebat ; ut si sexus sequioris edidisset fœtum ,

protinus quod esset editum , necaretur. At illa per absentiam mariti , natam puellam insita matribus pietate prævenga , descivit ab obsequio mariti; eamque prodidit vicinis alumnandam. Regressoque jam marito natam ne catamque nuntiavit. Sed ubi flos ætatis nuptialem virgini diem flagitabat, nec, ignaro marito , dotare filiam pro natalibus quibat; quod solum potuit , filio suo tacitum secretum aperuit. Nam et oppido verebatur , ne quo casu calor juvenilis impetu lapsus , nescius nesciam sororem incurreret. Sed pietatis spectatæ juvenis , et matris obsequium et sororis officium religiose dispensat : et arcanis domus venerabilis silentii custodiam tradidit ; plebeiam facietenus prætendens humanitatem. Sic

necessarium sanguinis sui munus aggre-
ditur, ut desolatam vicinam puellam
parentumque præsidio viduatam,
domus suæ tutela receptaret; ac mox
arctissimo, multumque sibi dilecto
contubernali, largitus de proprio do-
tem liberalissime, traderet. Sed hæc
bene atque optime, plenaque cum
sanctimonia disposita, feralem for-
tunæ nutum latere non potuerunt.
Cujus instinctu, domum juvenis pro-
tinus se direxit sæva rivalitas. Et illi-
co hæc eadem uxor ejus, quæ nunc
bestiis propter hæc ipsa fuerat addic-
ta, cœpit puellam, velut æmulam
tori, succubamque, primo suspicari;
dehinc detestari; dehinc crudelissi-
mæ laqueis mortis insidiari. Tale de-
nique comminiscitur facinus. Annulo
mariti subrepto, rus profecta, mittit

quemdam servulum, sibi quidem fidelem, sed de ipsa fide pessime merentem; qui puellæ nuntiaret, quod eam juvenis profectus ad villulam vocaret ad sese: addito, ut sola et sine ullo comite quam maturissime perveniret. Et, ne qua forte nasceretur veniendi contatio; tradit annulum marito subtractum, qui monstratus, fidem verbis adstipularetur. At illa mandato fratris obsequens, hoc enim sola sciebat, respecto etiam signo ejus quod offerebatur, gnaviter, ut præceptum fuerat, incommitata festinat. Sed ubi fraudis extremæ lapsa decipulo, laqueos insidiarum accessit; tunc illa uxor egregia; sororem mariti, libidinosæ furis stimulis efferrata, primum quidem nudam flagris ultime verberat: dehinc, quod res

erat, clamantem quoque, quod frustra pellicatus indignatione bulliret, fratrisque nomen sæpius iterantem, velut mentitam, atque cuncta fingentem, titione candenti inter media femina detruso, crudelissime necavit. Tunc acerbæ mortis exciti nuntiis frater et maritus accurrunt; variisque lamentationibus defletam puellam, tradunt sepulturæ. Nec juvenis sororis suæ mortem tam miseram, et, qua minime par erat, illatam, æquo tolerare quivit animo: sed medullitus dolore commotus, acrimæque bilis noxio furore perfusus, exin flagrantissimis febribus ardebat; ut ipsi quoque jam medela videretur esse necessaria. Sed uxor, quæ jampridem nomen uxoris cum fide perdidit, medicum convenit quem-

dam notæ perfidiæ, qui jam multarum palmarum spectatus præliis, magna dexteræ suæ tropæa numerabat; eique protinus quinquaginta promittit sestertia, ut ille quidem momentarium venenum venderet; illa autem emeret mariti sui mortem. Quo compecto, simulatur necessaria præcordiis leniendis bilique subtrahendæ illa prænobilis potio, quam sacram doctiores nominant: sed in ejus vice subditur alia, Proserpinæ sacra saluti. Jamque præsentī familia et nonnullis amicis et affinibus, ægroto medicus poculum probe temperatum manu sua porrigebat. Sed audax illa mulier, ut simul et consciū sceleris amoliretur, et quam desponderat pecuniam lucraretur; coram detento calice, Non prius,

inquit , medicorum optime , non prius carissimo mihi marito trades istam potionem , quam de ea bonam partem hauseris ipse. Unde enim scio , an noxium in ea lateat venenum ? quæ res utique te tam prudentem tamque doctum virum nequaquam offendit , si religiosa uxor , circa salutem mariti sollicita , necessariam affero pietatem. Qua mira desperatione truculentæ feminæ repente perturbatus medicus , excussusque toto consilio , et ob angustiam temporis spatio cogitandi privatus , antequam trepidatione aliqua vel contatione ipsa daret malæ conscientiae suspicionem , indidem de potione gustavit ampliter. Quam fidem secutus adulescens , etiam sumpto calice , quod offerebatur hausit. Ad istum

modum præsentī transacto negotio ,
medicus quam celerrime domum re-
meabat , salutifera potione pestem
præcedentis veneni festinans extin-
guere. Nec eum obstinatione sacri-
lega , qua semel cœperat , truculenta
mulier ungue latius a se discedere
passa est prius , quam , inquit , di-
gesta potione , medicinæ proventus
probatius appareat. Sed ægre , preci-
bus ét obtestationibus ejus multum
ac diu fatigata , tandem abire con-
cessit. Interdum perniciem cœcam
totis visceribus furentem medullæ
penitus attraxerant. Multum denique
saucius , et gravedine somnolenta
jam demersus , domum pervadit
ægerrime. Vixque enarratis cunctis ,
ad uxorem mandat , saltem promis-
sam mercedem mortis geminatæ de-

posceret. Sic elius violenter spectatissimus medicus, effudit spiritum. Nec ille tamen juvenis diutius vitam tenuerat; sed inter fictas mentitasque lacrymas uxoris pari casu mortis fuerat exstinctus. Jamque eo sepulto; paucis interjectis diebus, quis feralia mortuis litantur obsequia, medici uxor pretium geminæ mortis petens aderat. Sed mulier usquequaque sui similis, fidei suppressa faciem, præ-tendens imaginem, blandicula respondet, et omnia prolixè accumulataque pollicetur, et statutum præmium sine mora se reddituram constituit; modo pauxillum de ea potione largiri sibi vellet, quod incæpti negotii persecutionem. Quid pluribus? Laqueis fraudum pessinarum uxor inducta medici, facile consensit: et

quo se gratiorem locupleti feminæ faceret , properiter domo petita , totam prorsus veneni pyxidem mulieri tradidit. Quæ grandem scelerum nacta materiem , longe lateque cruentas suas manus porrigit. Habebat filiam parvulam de marito , quem nuper necaverat. Huic infantulæ quod leges necessariam patris successionem deferrent , sustinebat æger rime : inhiansque toto filiæ patrimonio , imminebat et capiti. Ergo certa , defunctorum liberorum matres sceleratas hereditates excipere , talem parentem præbuit , qualem exhibuerat uxorem : prandioque commento pro tempore , et uxorem medici simul et suam filiam veneno eodem percutit. Sed parvulæ quidem tenuem spiritum et delicata ac tenera

præcordia conficit protinus virus infestum. At uxor medici, dum noxiis ambagibus pulmones ejus pererrat tempestas detestabilis potionis; primum suspicata quod res erat, mox urgente spiritu jam certo certior, contendit ad ipsam præsidis domum; magnoque fidem ejus protestata clamore, et populi concitato tumultu; utpote tam immania detectura flagitia, efficit statim sibi simul et domus et aures præsidis patefierent. Jamque ab ipso exordio crudelissimæ mulieris cunctis atrocitatibus diligenter expositis, repente mentis nubilo turbine correpta, semihiantes adhuc compressit labias; et attritu dentium longo stridore reddito, ante ipsos præsidis pedes exanimis corruit. Nec ille, vir alioquin exercitus, tam mul-

tiforme facinus exsecratæ veneficæ
dilatione languida passus marcesce-
re, confestim cubiculariis mulieris
attractis, vi tormentorum veritatem
eruit : atque illam, minus quidem
quam merebatur, sed quod dignus
cruciatus alius excogitari non pote-
rat, certe bestiis objiciendam pro-
nuntiavit. Talis mulieris publicitus
matrimonium confarreaturus, ingen-
tique angore oppido suspensus, ex-
spectabam diem muneris : sæpius
quidem mortem mihi metu volens
consciscere, priusquam scelerosæ
mulieris contagio macularer, vel in-
famia publici spectaculi depudesce-
rem. Sed privatus humana manu,
privatus digitis, ungula rotunda at-
que mutila gladium stringere nequa-
quam poteram. Plane, ut potui, te-

nui specula solabar clades ultimas ;
quod ver in ipso ortu jam gemmulis
floridis cuncta depingeret , et jam
purpureo nitore prata vestiret : et
commodum dirupto spineo tegmine
spirantes cinnameos odores promi-
carent rosæ , quæ me priori meo
Lucio redderent. Dies ecce muneri
destinatus aderat. Ad conseptum ca-
væ , prosequente populo , pompa-
tico favore deducor. Ac dum ludicris
scenicorum choreis primitiæ specta-
culi dedicantur ; tantisper ante por-
tam constitutus , pabulum lætissimi
graminis , quod in ipso germinabat
aditu , libens affectabam : subinde
curiosos oculos , patente porta , spec-
taculi prospectu gratissimo reficiens.
Nam puelli puellæque virenti floren-
tes ætatula , forma conspicui , veste

nitidi, incessu gestuosi, græcanicam saltantes pyrrhicam, dispositis ordinationibus decoros ambitus inerrabant; nunc in orbe rotarum flexuosi, nunc in obliquam seriem connexi; et in quadratum patorem cuneati, et in catervæ discidium separati. At ubi discursus reciproci multimodas ambages tubæ terminalis cantus explicuit; aulæo subducto et complicitis sipariis, scena disponitur. Erat mons ligneus, ad instar inclyti montis illius, quem vates Homerus Idæum cecinit sublimi instructus fabrica, consitus viretis et vivis arboribus summo cacumine, de manibus fabri fonte manante, fluviales aquas eliquans. Capellæ pauculæ tondebant herbulas. Et in modum Paridis phrygii pastoris barbaricis amiculis humeris de-

fluentibus pulchre indusiatus adulescens, aurea tiara contexto capite, pecuarium simulabat magisterium. Adest luculentus puer nudus, nisi quod ephebica chlamyda sinistrum tegebat humerum : flavis crinibus usquequaque conspicuus : et inter comas ejus aureæ pinnulæ cognitione simili sociatæ prominebant; quem caduceum et virgula Mercurium indicabant. Is saltatorie procurrens, malumque bracteis inauratum dextera gerens, ei, qui Paris videbatur, porrigit: quid mandaret Jupiter, nutu significans, et protinus gradus scitule referens, e conspectu facessit. Insequitur puella vultu honesta, in deæ Junonis speciem similis. Nam et caput stringebat diadema candida : ferebat et sceptrum. Irrupit alia, quam pu-

tares Minervam, caput contexta fulgenti galea, et oleagina corona tegebatur ipsa galea : clypeum attollens, et hastam quatiens, et qualis illa cum pugnat. Super has introcessit alia visendo decore et præpollens gratia coloris ambrosii, designans Venerem : qualis fuit Venus cum fuit virgo, nudo et intecto corpore perfectam formositatem professa; nisi quod tenui pallio bombycino inumbrabat spectabilem pubem. Quam quidem laciniam curiosulus ventus satis amanter nunc lasciviens refflabat, ut dimota, pareret flos ætatulæ : nunc luxurians aspirabat; ut adhærens pressule, membrorum voluptatem graphice liciniaret. Ipse autem color deæ diversus in speciem : corpus candidum, quod cœlo debeat; amic-

tus cærulæ, quod mari remeat. Jam singulas virgines, quæ deæ putabantur, sui obibant comites. Junonem quidem Castor et Pollux, quorum capita cassides ovatæ stellarum apicibus insignes contegebant. Sed et isti Castores erant scenici pueri. Hæc puella, varios modulos lasciva continente tibia, procedens quieta et in affectata gesticulatione, nutibus honestis pastori pollicetur, si sibi præmium decoris addixisset, et sese regnum totius Asiæ tributuram. At illam, quam cultus armorum Minervam fecerat, duo pueri muniebant, præliaris deæ comites armigeri, Terror et Metus, nudis insultantes gladiis. At pone tergum tibicem dorsum canebat bellicosum; et permiscens bombis gravibus tinnitus acutos;

in modum tubæ, saltationis agilis vigorem suscitabat. Hæc inquieto capite, et oculis in aspectu minacibus, citato et intorto genere alacer demonstrabat Paridi, si sibi formæ victoriam tradidisset, fortem tropæisque bellorum inclytum suis adminiculis futurum. Venus ecce cum magno favore caveæ, in ipso meditullio scenæ, circumfuso populo lætissimorum parvulorum, dulce subridens, constitit amœne. Illos teretes et lacteos puellos diceres tu Cupidines, et Cupidines veros, de cælo vel mari commodum involasse. Nam et pinnulis et sagittulis et habitu cetero formæ præclare congruebant: et, velut nuptiales epulas obituræ, dominæ coruscis prælucebant facibus. Et influunt innuptarum puellarum

decoræ soboles. Hinc Gratiae gratissimæ : inde Horæ pulcherrimæ ; quæ jaculis floris serti et soluti deam suam propitiantes , scitissimum construxerant chorum , dominæ voluptatis Veris coma blandientes. Jam tibiæ multiforabiles cantus lydios dulciter consonant. Quibus spectatorum pectora suave mulcentibus , longe suavior Venus placide commoveri , cantantique lente vestigio , et leviter fluctuante spinula , et sensim annuntante capite cœpit incedere , mollique tibiæ sono delicatis respondere gestibus : et nunc mite conniventibus , nunc acre comminantibus gestire pupulis : et nonnumquam saltare solis oculis. Hæc ut primum ante judicis conspectum facta est , nisu brachiorum polliceri videbatur , si fuisset

deabus ceteris antelata , daturam se nuptam Paridi forma præcipuam, sui-
 que consimilem. Tunc animo volenti phrygius juvenis malum , quod tenebat , aureum , velut victoriæ calcu-
 lum , puellæ tradidit. Quid ergo miramini , vilissima capita , immo forensia pecora , immo vero togati vultu-
 rii , si toti nunc iudices sententias suas pretio nundinantur ? cum rerum exordio , inter deos et homines agita-
 tum iudicium corruerit gratia : et originalem sententiam magni Jovis consiliis electus iudex , rusticanus et opilio , lucro libidinis vendiderit , cum totius etiam suæ stirpis exitio ?
 Sic hercules et aliud sequius iudicium , inter inclytos Achivorum duces celebratum : vel cum falsis insimulationibus eruditione doctrinaque præ-

pollens Palamedes proditiōis damnatur ; vel virtute martia præpotenti præfertur Ulysses modicus Ajaci maximo. Quale autem et illud iudicium apud legiferos Athenienses , catos illos et omnis scientiæ magistros? Nonne divinæ prudentiæ senex , quem sapientia prætulit cunctis mortalibus deus delphicus , fraude et invidia nequissimæ factionis circumventus , velut corruptor adolescentiæ , quam frenis coercerat , herbæ pestilentis succo noxio peremptus est , relinquens civibus ignominie perpetuæ maculam ? cum nunc etiam egregii philosophi sectam ejus sanctissimam præoptent , et summo beatitudinis studio jurent in ipsius nomen. Sed ne quis indignationis meæ reprehendat impetum , secum sic re-

putans : Ecce nunc patiemur philosophantem nobis asinum ? rursus , unde discessi , revertar ad fabulam. Postquam finitum est illud Paridis iudicium ; Juno quidem cum Minerva tristes , et iratis similes e scena redeunt , indignationem repulsæ gestibus professæ : Venus vero gaudens et hilaris , lætitiâ suam saltando toto cum choro professa est. Tunc de summo montis cacumine , per quamdam latentem fistulam , in excelsum prorumpit vino crocus diluta : sparsimque defluens , pascentes circa capellas odoro perpluit imbre ; donec in meliorem maculatæ speciem canitiem propriam luteo colore mutarent. Jamque tota suave fragrante cavea , montem illum ligneum terræ vorago decepit. Ecce quidam miles

..

per mediam plateam dirigit cursum ,
petiturus populo jam postulante il-
lam de publico carcere mulierem ,
quam dixi propter multiforme scelus
bestiis esse damnatam , meisque præ-
claris nuptiis destinatam. Et jam ,
torus genialis scilicet noster futurus ,
accuratissime disternebatur lectus ,
indica testudine pellucidus , plumea
congerie tumidus , veste serica flo-
ridus. At ego , præter pudorem ob-
eundi publice concubitus , præter
contagium scelestæ pollutæque fe-
minæ , metu etiam mortis cruciabar
permaxime , sic ipse mecum repu-
tans : Quod , in amplexu venereo
scilicet nobis cohærentibus , quæcum-
que ad exitium mulieris bestia fuisset
immissa , non adeo vel prudentia so-
lers , vel artificio docta , vel absti-

nentia frugi posset provenire, ut adjacentem lateri meo laceraret mulierem; mihi vero quasi indemnato et innoxio parceret. Ergo igitur non de pudore jam, sed de salute ipsa sollicitus, dum magister meus lectulo probe coaptando districtus inservit; et tota familia partim ministerio venerationis occupata, partim voluptuario spectaculo attonita, meis cogitationibus liberum tribuebatur arbitrium: nec magnopere quisquam custodiendum tam mansuetum putabat asinum. Paulatim fugitivum pedem profectens, porta, quæ proxima est, positus, jam cursu me celerrimo propripio: sexque totis passuum millibus perneciter confectis, Cenchreas pervado: quod oppidum audit quidem nobilissimæ coloniae Corinthiensium;

alluitur autem Ægæo et Saronico mari. Ubi portus etiam, tutissimum navium receptaculum, magno frequentatur populo. Vitatis ergo turbulis, et electo secreto littore, prope ipsas fluctuum aspergines, in quodam mollissimo arenæ gremio lassum corpus porrectus refoveo. Nam et ultimam diei metam curriculum solis deflexerat: et vespertinæ me quieti traditum dulcis somnus oppressit.

A P U L E I I
METAMORPHOSEON
LIBER UNDECIMUS.

ARGUMENTUM

LIBRI UNDECIMI.

Torus quidem Apuleius elegantia et eruditione plenus est : hic vero novissimus liber inter omnes excellit. In quo dicuntur quædam simpliciter ; multa ex fide historica , plurima ex secretariis philosophiæ , et religionis Ægyptiæ deprompta. In principio eloquenter explicatur oratio non asinalis , sed theologica , ad lunam , ejusque luculenta descriptio. Mox lunæ ad Lucium benevola institutio , pompæ sacerdotalis copiosa et erudita descriptio : ex asino in hominem pristinum devoratis rosis facillima reformatio : religiosa sacris Isidis et Osiridis initiatio : castimoniarum abstinentia : altera ad lunam deprecatio : felix Romam versus profectio : ubi sacris romanis initiatus , in collegium pastophororum adlectus est.

LIBER XI.

CIRCA primam ferme noctis vigiliam experrectus pavore subito ; video præmicantis lunæ candore nimio completum orbem , commodum marinis emergentem fluctibus. Nactusque opacæ noctis silentiosa secreta , certus etiam summam deam præcipua majestate pollere , resque prorsus humanas ipsius regi providentia : nec tantum pecuina et ferina , verum inanima etiam divino ejus luminis numinisque nutu vegetari ; ipsa etiam corpora terra , cœlo , marique , nunc incrementis consequenter augeri ; nunc decrementis obsequenter imminui ; fato scilicet jam meis tot tan-

tisque cladibus satiato, et spem salutis, licet tardam, subministrante, augustum specimen deæ præsentis statui deprecari. Confestimque discussa pigra quiete, alacer exurgo: meque protinus purificandi studio marino lavacro trado; septiesque submerso fluctibus capite, quod eum numerum præcipue religionibus attissimum divinus ille Pythagoras prodidit, lætus et alacer deam præpotentem lacrymoso vultu sic apprecabar: Regina cœli; sive tu Ceres, alma frugum parens originalis, quæ repertu lætata filiæ, vetustæ glandis ferino remoto pabulo, mīti commonstrato cibo, nunc Eleusiniam glebam percolis; seu tu cœlestis Venus, quæ primis rerum exordiis sexuum diversitatem generato amore sociasti,

et æterna sobole humano genere pro-
 pagato , nunc circumfluo Paphi sa-
 crario coleris : seu Phœbi soror , quæ
 partu foetarum medelis lenientibus
 recreato , populos tantos educasti ,
 præclarisque nunc veneraris delubris
 Ephesi : seu nocturnis ululatibus
 horrenda Proserpina , triformi facie
 larvales impetus comprimens , ter-
 ræque claustra cohibens , lucos di-
 versos inerrans , vario cultu propi-
 tiaris : ista luce feminea collustrans
 cuncta mœnia , et udis ignibus nu-
 triens læta semina , et solis ambagibus
 dispensans incerta lumina : quoquo
 nomine , quoquo ritu , quaqua facie
 te fas est invocare ; tu meis jam nunc
 extremis ærumnis subsiste ; tu for-
 tunam collapsam affirma ; tu sævis
 exantlatis casibus pausam pacemque

tribue. Sit satis laborum, sit satis periculorum. Depelle quadrupedis diram faciem. Redde me conspectui meorum; redde me meo Lucio. Ac si quod offensum numen inexorabili me sævitia premit; mori saltem liceat, si non licet vivere. Ad istum modum fuis precibus, et adstructis miseris lamentationibus, rursus mihi marcentem animum in eodem illo cubili sopor circumfusus oppressit. Necdum satis connixeram: et ecce pelago medio venerandos diis etiam vultus attollens emergit divina facies. Ac dehinc paulatim toto corpore prælucidum simulacrum excusso pelago ante me constitisse visum est. Ejus mirandam speciem ad vos etiam referre connitar; si tamen mihi disserendi tribuerit facultatem paupertas

oris humani : vel ipsum numen ejus
dapsilem copiam elocutilis facundiæ
subministraverit. Jam primum crines
uberrimi proluxique, et sensim
intorti, per divina colla passive dispersi,
molliter defluebant. Corona
multiformis, variis floribus sublimem
distrinxerat verticem : cujus media
quidem super frontem plana rotunditas
in modum speculi, vel immo
argumentum lunæ, candidum lumen
emicabat. Dexteræ lævæque sulcis
insurgentium viperarum cohibita ; spicis
etiam cerealibus desuper porrectis :
multicolor, bysso tenui pertexta :
nunc albo candore lucida ; nunc croceo
flore lutea, nunc roseo rubore
flammida. Et quæ longe longeque
etiam meum confutabat obtutum,
palla nigerrima, splendescens atro

nitore : quæ circumcirca remeans ,
et sub dexterum latus ad humerum
lævum recurrens , umbonis vicem ,
dejecta parte laciniae , multiplici con-
tabulatione dependula , ad ultimas
oras nodulis fimbriarum decoriter
confluctuabat. Per intextam extre-
mitatem , et in ipsa ejus planitie ,
stellæ dispersæ coruscabant : earum-
que media semestris luna flammeos
spirabat ignes. Quaqua tamen insi-
gnis illius pallæ perfluebat ambitus ,
individuo nexu corona totis floribus ,
totisque constructa pomis adhærebat.
Jam gestamina longe diversa. Nam
dextera quidem ferebat æreum cre-
pitaculum : cujus per angustam lami-
nam in modum balthæi recurvatam ,
trajectæ mediæ paucæ virgulæ , cris-
pante brachio trigeminos jactus ,

reddebant argutum sonorem. Læva
 vero cymbium dependebat aureum :
 cujus ansulæ , qua parte conspicua
 est , insurgebat aspis , caput attollens
 arduum , cervicibus late tumescen-
 tibus. Pedes ambrosios tegebant so-
 læ , palmæ victricis foliis intextæ.
 Talis ac tanta , spirans Arabiæ felicia
 germina , divina me voce dignata est :
 En adsum tuis commota , Luci , pre-
 cibus , rerum Natura parens , elemen-
 torum omnium domina , seculorum
 progenies initialis , summa numinum ,
 regina manium , prima cœlitum ,
 deorum dearumque facies uniformis :
 quæ cœli luminosa culmina , maris
 salubria flamina , inferorum deplo-
 rata silentia , nutibus meis dispenso.
 Cujus numen unicum , multiformi
 specie , ritu vario , nomine multijugo

totus veneratur orbis. Me primigenii Phryges Pessinuntiam nominant deum matrem; hinc Autochthones Attici Cecropiam Minervam; illinc fluctuantes Cyprii Paphiam Venerem; Cretes sagittiferi Dictynnam Dianam; Siculi trilingues Stygiam Proserpinam; Eleusinii vetustam deam Cererem: Junonem alii, Bellonam alii, Hecatam isti, Rhamnusiam illi. Et qui nascentis dei Solis inchoantibus illustrantur radiis Æthiopes, Ariique, priscaque doctrina pollentes Ægyptii, cerimoniis me propriis percolentes, appellant vero nomine reginam Isidem. Adsum tuos miserata casus; adsum favens et propitia. Mitte jam fletus, et lamentationes omitte: depelle mærorem. Jam tibi providentia mea illucescit dies salu-

taris. Ergo igitur imperiis istis meis animum intende sollicitum. Diem , qui dies ex ista nocte nascetur , æterna mihi nuncupavit religio : quo sedatis hibernis tempestatibus , et lenitis maris procellosis fluctibus , navigabili jam pelago , rudem dedicantes carinam , primitias commeatus libant mei sacerdotes. Id sacrum nec sollicita nec profana mente debebis operiri. Nam meo monitu sacerdos in ipso procinctu pompæ roseam manu dextera sistro cohærentem gestabit coronam. Incontanter ergo , dimotis turbulis , alacer continuare pompam , mea volentia fretus ; et de proximo clementer , velut manum sacerdotis deosculabundus , rosis decerptis , pessimæ mihi que detestabilis jamdudum belluæ istius corio te protinus

exue. Nec quidquam rerum earum reformides ut arduum. Nam hoc eodem momento, quo tibi venio, simul et tibi præsens, quæ sunt consequentia sacerdoti meo per quietem facienda præcipio. Meo jussu, tibi constricti comitatus decedent populi. Nec inter hilares cerimonias et festiva spectacula, quisquam deformem istam, quam geris, faciem perhorrescet: vel figuram tuam repente mutatam, sequius interpretatus aliquis maligne criminabitur. Plane memineris, et penita mente conditum semper tenebis, mihi reliqua vitæ tuæ curricula adusque terminos ultimi spiritus vadata. Nec injurium, cujus beneficio redieris ad homines, ei totum debere, quod vives. Vives autem beatus, vives in mea tutela gloriosus.

Et cum spatium seculi tui permensus
ad inferos demearis ; ibi quoque in
ipso subterraneo semirotundo , me ,
quam vides Acherontis tenebris in-
terlucentem stygiisque penetralibus
regnantem , campos elysios incolens
ipse , tibi propitiam frequens adora-
bis. Quod si sedulis obsequiis , et re-
ligiosis ministeriis , et tenacibus cas-
timoniis numen nostrum promerue-
ris , scies ultra statuta fato tuo spatia
vitam quoque tibi prorogare mihi
tantum licere. Sic oraculi venerabilis
fine prolato , numen invictum in se
recessit. Nec mora , cum somno pro-
tinus absolutus , pavore et gaudio ac
dein sudore nimio permixtus exsur-
go : summeque miratus deæ potentis
tam claram præsentiam , marino rore
respersus , magnisque imperiis in-

tentus, monitionis ordinem recalebam. Nec mora, cum noctis atræ fugato nubilo, sol exsurgit aureus; et ecce discursu religioso, ac prorsus triumphali, turbulæ complent totas plateas. Tantaque hilaritudine præter peculiarem meam gestire mihi cuncta videbantur; ut pecua etiam cujuscemodi, et totas domos, et ipsum diem serena facie gaudere sentirem. Nam et pruinam pridianam dies apricus ac placidus repente fuerat insecutus: ut canoræ etiam aviculæ, prolectante verno vapore, concentus suaves assonarent: matrem siderum, parentem temporum, orbisque totius dominam blando mulcentes affamine. Quid? quod arbores etiam, quæ pomifera sobole fecundæ, quæque earum tantum umbra con-

tentæ, et steriles, austrinis laxatæ
flatibus, germine foliorum reniden-
tes, clementi motu brachiorum dul-
ces strepitus obsibilabant. Magnoque
procellarum sedato fragore, ac tur-
bido fluctuum tumore posito, mare
quietas alluvies temperabat: cœlum
autem, nubilosa caligine disjecta,
nudo sudoque luminis proprii splen-
dore candebat. Ecce pompæ magnæ
paulatim procedunt anteludia, voti-
vis cujusque studiis exornata pul-
cherrime. Hic incinctus baltheo mi-
litem gerebat: illum succinctum chla-
myde copides et venabula venatorem
fecerant: alius soccis obauratis, in-
dutus serica veste, mundoque pre-
tioso, et adtextis capite crinibus,
incessu perfluo feminam mentieba-
tur. Porro alium ocreis, scuto, ga-

lea, ferroque insignem, e ludo putares gladiatorio procedere. Nec ille deerat, qui magistratum fascibus purpuraque luderet: nec qui pallio, baculoque, et baxeis, et hircino barbitio philosophum fingeret: nec qui, diversis harundinibus, alter aucupem cum visco, alter piscatorem cum hamo induceret. Vidi et ursam mansuem, quæ, cultu matronali, sella vehebatur: et simiam pileo textili, crocotisque phrygiis, catamiti pastoris specie, aureum gestantem poculum: et asinum pinnis agglutinatis adambulantem cuidam seni debili: ut illum quidem Bellerophonem, hunc autem diceres Pegasus; tamen rideres utrumque. Inter has oblectationes ludicras popularium, quæ passim vagabantur; jam sospitatricis

deæ peculiaris pompa moliebatur. Mulieres candido splendentes amicumine, vario lætantes gestamine, verno florentes coronamine, quæ de gremio, per viam, qua sacer incedebat comitatus, solum sternerbant flosculis: aliæque nitentibus speculis pone tergum reversis, venienti deæ obvium commonstrarent obsequium: et quæ pectines eburneos ferentes, gestu brachiorum, flexuque digitorum, ornatum atque oppexum crinium regalium fingerent: illæ etiam, quæ ceteris unguentis et geniali balsamo guttatim excusso, conspergebant plateas. Magnus præterea sexus utriusque numerus, lucernis, tædis, cereis, et alio genere facium, lumine siderum cœlestium stirpem propitiantes. Symphonix dehinc suaves, fistulæ tibix-

que modulis dulcissimis personabant. Eas amœnus lectissimæ juventutis veste nivea et cataclista prænitens sequebatur chorus, carmen venustum iterantes : quod Camœnarum favore solers poeta modulatus, edixerat ; quod argumentum referebat interim majorum antecantamenta votorum. Ibant et dicati magno Serapi tibicines ; qui per obliquum calamum ad aurem porrectum dexteram, familiarem templi dei que modulum frequentabant : et præciæ, qui facilem sacris viam dari prædicarent. Tunc influunt turbæ sacris divinis initiatæ, viri feminæque omnis dignitatis et omnis ætatis, linteæ vestis candore puro luminosi : illæ limpido tegmine crines madidos obvolutæ ; hi capillum derasi funditus, vertice præni-

tentes : magnæ religionis terrena sidera , æreis et argenteis , immo vero aureis etiam sistris argutum tinnitum constrepentes. Sed et antistites sacrorum , procures illi , candido lintamine cinctum pectoralem adusque vestigia strictim intecti , potentissimorum deum proferebant insignes exuvias. Quorum primus lucernam , claro præmicantem porrigebat lumine ; non adeo nostris illis consimilem , quæ vespertinas illuminant epulas ; sed aureum cymbium medio sui patore flammulam suscitans largiorem. Secundus , vestitu quidem similis , sed manibus ambabus gerebat altaria , id est , auxilia : quibus nomen dedit proprium deæ summatis auxiliaris providentiæ. Ibat tertius , attollens palmam auro subtiliter

foliatam, necnon mercurialem etiam caduceum. Quartus æquitatis ostendebat indicium, deformatam manum sinistram porrecta palmula; quæ genuina pigritia, nulla calliditate, nulla solertia prædita, videbatur æquitati magis aptior quam dextera. Idem gerebat et aureum vasculum in modum papillæ rotundatum, de quo lacte libabat. Quintus auream vannum aureis congestam ramulis: et alius ferebat amphoram. Nec mora, cum dei, dignati pedibus humanis incedere, prodeunt: hic horrendum! ille superum commeator et inferum, nunc atra, nunc aurea facie sublimis, attollens canis cervices arduas, læva caduceum gerens, dextera palmam virentem quatiens. Hujus vestigium continuum sequebatur bqs, in erectum levata

statum. Et bos, omniparentis deæ fecundum simulacrum : quod residens humeris suis, proferebat unus e ministerio beato, gressu gestuoso. Ferebatur ab alio cista secretorum capax, penitus celans operta magnificæ religionis. Gerebat alius felici suo gremio summi sui numinis venerandam effigiem, non pecoris, non avis, non feræ, ac ne hominis quidem ipsius consimilem; sed solerti repertu, etiam ipsa novitate reverendam, altioris utcumque et magno silentio tegendæ religionis argumentum ineffabile; sed et ad istum plane modum fulgente auro figuratum. Urnula, faberrime cavata, fundo quam rotundo, miris extrinsecus simulacris Ægyptiorum effigiata. Ejus orificium non altiuscule levatum, in

canalem porrectum , longo rivulo
prominebat. Ex alia vero parte mul-
tum recedens spatiosa dilatione , ad-
hærebat ansa ; quam contorto modulo
supersedebat aspis , squameæ cervi-
cis striato tumore sublimis. Et ecce
præsentissimi numinis promissa no-
bis accedunt beneficia et fata : salu-
temque ipsam meam gerens sacerdos
appropinquat , ad ipsum præscrip-
tum divinæ promissionis ornatum ,
dextera proferens sistrum deæ , et co-
ronam ; mihi hercules coronam con-
sequenter , quod tot ac tantis exant-
latis laboribus , tot emensis periculis ,
deæ maximæ providentia , adluctan-
tem mihi sævissime fortunam super-
rare. Nec tamen gaudio subitario
commotus , inclementi me cursu pro-
ripui ; verens scilicet , ne , repentino

quadrupedis impetu, religionis quietus turbaretur ordo: sed placido ac prorsus humano gradu contabundus, paulatim obliquo corpore, sane divinitus decedente populo, sensim irrepo. At sacerdos, ut reapse cognoscere potui, nocturni communefactus oraculi, miratusque congruentiam mandati muneris, confestim restitit: et ultro porrecta dextera, ob os ipsum meum coronam exhibuit. Tunc ego trepidans, assiduo pulsu micanti corde, coronam, quæ rosâ amœnis intexta fulgurabat, avido ore susceptam, cupidus cupidissime devoravi. Nec me fefellit cœleste promissum. Protinus mihi delabatur deformis et ferina facies: ac primo quidem squalens pilus defluit; ac dehinc cutis crassa tenuatur; venter

obesus residet; pedum plantæ per ungulas in digitos exeunt. Manus non jam pedes sunt, sed in erecta porriguntur officia; cervix procera cohibetur; os et caput rotundantur; aures enormes repetunt parvitatem pristinam; dentes saxei redeunt ad humanam minutiem: et, quæ me potissimum cruciabat ante, cauda nusquam comparuit. Populi mirantur, religiosi venerantur tam evidentem maximi numinis potentiam, et consimilem nocturnis imaginibus magnificentiam, et facilitatem reformationis: claraque et consona voce, cælo manus attendentes, testantur tam illustre deæ beneficium. At ego stupore nimio defixus, tacitus hærebam, animo meo tam repentinum tamque magnum non capiente gaudium:

quid potissimum præferer primarium, unde novæ vocis exordium caperem, quo sermonem nunc renata lingua felicius auspicarer, quibus quantisque verbis tantæ deæ gratias agerem. Sed sacerdos, utcumque divino monitu cognitis ab origine cunctis cladibus meis, quamquam et ipse insigni permotus miraculo, nutu significato prius præcepit, tegendo mihi linteam dari laciniam. Nam me cum primum nefasto tegmine despoliaverat asinus; compressis in arctum feminibus, et superstrictis accurate manibus, quantum nudo licebat, velamento me naturali probe muniveram. Tunc e cohorte religionis unus, impigre superiorem exutus tunicam, supertexit me celerissime. Quo facto, sacerdos vultu ge-

niali et hercules perhumano in aspectum meum attonitus, sic affatur: Multis et variis exantlatis laboribus, magnisque fortunæ tempestatibus et maximis actus procellis, ad portum quietis et aram misericordiæ tandem, Luci, venisti. Nec tibi natales, ac ne dignitas quidem, vel ipsa, qua flores, usquam doctrina profuit: sed lubrico virentis ætatulæ, ad serviles delapsus voluptates, curiositatis improspere sinistrum præmium reportasti. Sed utcumque fortunæ cæcitas, dum te pessimis periculis discruciat, ad religiosam istam beatitudinem improvida produxit malitia. Eat nunc, et summo furore sæviat, et crudelitati suæ materiem quærat aliam. Nam in eos, quorum sibi vitas servitium deæ nostræ majestas vindicavit, non ha-

bet locum casus infestus. Quid latrones, quid feræ, quid servitium, quid asperrimorum itinerum ambages reciprocæ, quid metus mortis quotidianæ nefariæ fortunæ profuit? In tutelam jam receptus es fortunæ, sed videntis : quæ suæ lucis splendore ceteros etiam deos illuminat. Sume jam vultum lætiorem, candido isto habitu tuo congruentem : comitare pompam deæ sospitatricis, in ovanti gradu. Videant irreligiosi; videant, et errorem suum recognoscant. En ecce pristinis ærumnis absolutus, Isidis magnæ providentia gaudens Lucius, de sua fortuna triumphat. Quo tibi tamen tutior sis, atque munitior; da nomen huic sanctæ militiæ, cujus non olim sacramento etiam rogabar: teque jam nunc obsequio

religionis nostræ dedica; et ministerii jugum subi voluntarium. Nam, cum cœperis deæ serviro, tunc magis senties fructum tuæ libertatis. Ad istum modum vaticinatus sacerdos egregius, fatigatos anhelitus trahens, conticuit. Exinde permixtus agmini religioso procedens, comitabar sacrarium: totæ civitati notus ac conspicuus, digitis hominum nutibusque notabilis. Omnes in me populi fabulabantur: Hunc omnipotentis hodie deæ numen augustum reformavit ad homines. Felix hercules, et ter beatus! qui vitæ scilicet præcedentis innocentia fideque meruerit tam præclarum de cœlo patrocinium; ut renatus quodammodo, statim sacrorum obsequio desponderetur. Inter hæc et festorum votorum tumultum, pau-

latim progressi, jam ripam maris proximamus; atque ad ipsum illum locum, quo pridie meus stabulaverat asinus, pervenimus. Ibi deum simulacris rite dispositis, navem faberrime factam, picturis miris Ægyptiorum circumsecus variegatam, summus sacerdos tæda lucida, et ovo, et sulfure, solemniissimas preces de casto præfatus ore, quam purissime purificatam, deæ nuncupavit; dedicavitque. Hujus felicitis alvei nitens carbasus, littore votum ingestans progerebat. Ecce litteræ votum instaurabant, de novi commeatus prospera navigatione. Jam malus insurgit, pinus rotunda, splendore sublimis, insigni carchesio conspicua: et puppis, intorta chenisco, bracteis aureis vestita, fulgurabat: omnisque

prorsus carina citro limpido perpolita, florebat. Tunc cuncti populi, tam religiosi quam profani, vannos onustas aromatis et cujuscemodi suppliciis certatim congerunt; et insuper fluctus libant intritum lacte confectum; donec muneribus largis, et devotionibus faustis completa navis, absoluta strophæis anchoralibus, peculiari serenoque flatu, pelago redderetur. Quæ postquam cursus spatio prospectum sui nobis incertat, sacrorum geruli, sumptis rursum quæ quisque detulerant, alacres ad fanum reditum capessunt, similis ritu pompæ decori. At cum ad ipsum jam templum pervenimus, sacerdos maximus, quique divinas effigies progerebant, et qui venerandis penetratibus pridem fuerant initiati, intra

cubiculum deæ recepti, disponunt rite simulacra spirantia. Tunc ex his unus, quem cuncti Grammatea dicebant, pro foribus assistens, cœtu pastophorum, quod sacrosancti collegii nomen est, velut in concionem vocato, indidem de sublimi suggestu, de libro, de litteris fausta vota præfatus: PRINCIPI MAGNO, SENATUIQUE, ET EQUI, TOTOQUE ROMANO POPULO, nauticis, navibus, quæque sub imperio mundi nostratis reguntur, renuntiat, sermone rituque græciensi, ita, ΛΑΟΙΣ ΑΦΕΣΙΣ. Qua voce, FELICITER cunctis evenire, signavit populi clamor insecutus. Exin gaudio delibuti populares, thallos, verbenas, corollas ferentes, exosculatis vestigiis deæ, quæ gradibus hærebat argento formata, ad suos discedunt

lares. Nec tamen sinebat me animus
 ungue latius indidem digredi; sed
 intentans deæ specimen, pristinos
 casus meos recordabar. Nec tamen
 fama volucris, pigra pinnarum tar-
 ditate cēssaverat: sed protinus in
 patria deæ providentis adorabile
 beneficium, meamque ipsius fortu-
 nam memorabilem narraverat pas-
 sim. Confestim denique familiares ac
 vernulæ, quique mihi proximo nexu
 sanguinis cohærebant, luctu deposi-
 to, quem de meæ mortis falso nun-
 tio susceperant, repentino lætati
 gaudio, varie quisque munerabundi
 ad meum festinant illico redivivum
 reducemque ab inferis conspectum.
 Quorum desperata ipse etiam facie
 recreatus, oblationes honestas æqui
 bonique facio: quippe cum mihi fa-

miliares, quoad cultum sumptumque largiter succederet, deferre prospicue curassent. Affatis itaque ex officio singulis, narratisque meis pristinis ærumnis, et præsentibus gaudiis, me rursum ad deæ gratissimum mihi refero conspectum : ædibusque conductis, intra conseptum templi larrem temporarium mihi constituo : deæ ministeriis adhuc privatis appositus, contuberniisque sacerdotum inviduus, et numinis magni cultor inseparabilis. Nec fuit nox una, vel quies aliqua, visu deæ monituque jejuna : sed crebris imperiis, sacris suis me jamdudum destinatum, nunc saltem censebat initiari. At ego, quamquam cupienti voluntate præditus, tamen religiosa formidine retrahebar. Quod enim sedulo perconta-

veram , difficile religionis obsequium , et castimoniorum abstinentiam satis arduam , cautoque circumspectu vitam , quæ multis casibus subjacet , esse muniendam. Hæc idemtidem mecum reputans , nescio quo modo , quamquam festinans , differebam. Nocte quadam , plenum gremium suum visus est mihi summus sacerdos offerre : ac requirenti , Quid utique istud ? respondisse , partes illas de Thessalia mihi missas ; servum etiam meum indidem supervenisse , nomine Candidum. Hanc experrectus imaginem , diu diuque apud cogitationes meas revolvebam , quid rei portenderet ; præsertim cum nullum umquam habuisse me servum isto nomine nuncupatum certus essem. Ut tamen sese præsagium som-

ni porrigeret, lucrum certum modis omnibus significari partium oblatione credebam. Sic anxius, et in proventum prosperiorem attonitus, templi matutinas apertiones opperiebar. Ac, dum velis candentibus reductis in diversum, deæ venerabilem conspectum apprecamur, et per dispositas aras circumiens sacerdos rem divinam procurat supplicamentis solemnibus, de penetrali fonte petitum spondeo libat. Rebus jam rite consummatis, inchoatæ lucis salutationibus, religiosi primam nuntiantes horam, perstrepunt. Et ecce superveniunt de patria, quos ibi reliqueram famulos, cum me Fotis malis incapistrasset erroribus. Cognatis scilicet famulos meos, nec non et equum quoque illum meum reducentibus;

quem diverse distractum notæ dorsualis agnitione recuperaverant : quare solertiam somni tum mirabar vel maxime ; quod præter congruentiam lucrosæ pollicitationis , argumento servi Candidi , equum mihi reddidisset colore candidum. Quo facto idem sollicitus , sedulum colendi frequentabam ministerium , spe futuræ beneficiis præsentibus pignrata. Nec minus indies mihi magis magisque accipiendorum sacrorum cupido gliscebatur ; summisque precibus primum sacerdotem sæpissime conveneram , petens , ut me noctis sacratæ tandem arcanis initiaret. At ille , vir alioquin gravis , et sobriæ religionis observatione famosus , clementer ac comiter , et ut solent parentes immaturis liberorum deside-

rius modificari, meam differens instantiam, spei melioris solatiis alioquin anxium, mihi permulcebat animum. Nam et diem, quo quisque possit initiari, deæ nutu demonstrari, et sacerdotem qui sacra debeat ministrare, ejusdem providentia deligi: sumptus etiam cerimoniais necessarios simili præcepto destinari. Quæ cuncta nos quoque observabili patientia sustinere censebat: quippe cum aviditati contumaciæque summe cavere, et utramque culpam vitare, ac neque vocatus morari, nec non jussus festinare deberem. Nectamen esse quemquam de suo numero tam perditæ mentis, vel immo destinatæ mortis, qui non sibi quoque seorsum jubente domina, temerarium atque sacrilegum audeat ministerium subi-

re, noxamque lethalem contrahere. Nam et inferum claustra, et salutis tutelam in deæ manu posita, ipsamque traditionem ad instar voluntariæ mortis et precariæ salutis celebrari: quippe cum transactis vitæ temporibus, jam in ipso finitæ lucis limine constitutos, quis tamen tuto possint magna religionis committi silentia, numen deæ soleat elicere, et sua providentia quodam modo renatos ad novæ reponere rursus salutis curricula. Ergo igitur me quoque oportere cœleste sustinere præceptum; quamquam perspicua evidentique magni numinis dignatione jamdudum felici ministerio nuncupatum destinatumque: nec secus, quam cultores ceteri, cibis profanis ac nefariis jam nunc temperare; quo rectius

ad arcana purissimæ religionis secreta pervaderem. Dixerat sacerdos : nec impatientia corrumpebatur obsequium meum : sed intentus miti quiete, et probabili taciturnitate, sedulum quot dies obibam culturæ sacrorum ministerium. Nec me fefellit, nec longi temporis prolatione cruciavit potentis deæ benignitas salutaris : sed noctis obscuræ non obscuris imperiis evidenter monuit, advenisse diem mihi semper optabilem, quo me maximi voti compotiret. Quantoque sumptu deberem procurare supplicamentis, ipsumque Mithram illum suum sacerdotem præcipuum, divino quodam stellarum consortio, ut aiebat, mihi conjunctum, sacrorum ministrum decernit. Quibus et ceteris benivolis præceptis summa-

tis deæ recreatus animi , necdum satis luce lucida discussa quiete , protinus ad receptaculum sacerdotis contendo : atque eum , cubiculo suo commodum prodeuntem continuatus , saluto. Solito constantius destinaveram jam , velut debitum sacris obsequium flagitare. At ille , statim ut me conspexit , prior , O mi Luci , inquit , te felicem , te beatum , quem propitia voluntate numen augustum tantopere dignatur ! Et quid , inquit , jam nunc stas otiosus , teque ipsam demoraris ? Adest tibi dies votis assiduus exoptatus , quo deæ multinominis divinis imperiis , per istas meas manus piissimis sacrorum arcanis insinueris. Et injecta dextera , senex comissimus ducit me protinus ad ipsas fores ædis amplissimæ ; ritumque

solemni apertionis celebrato ministerio , ac matutino peracto sacrificio , de opertis adyti profert quosdam libros , litteris ignorabilibus prænotatos : partim figuris cujuscemodi animalium , concepti sermonis compendiosa verba suggerentes ; partim nodosis , et in modum rotæ tortuosis , capreolatimque condensis apicibus , a curiosa profanorum lectione munita. Indidem mihi prædicat , quæ forent ad usum teletæ necessario præparanda. Ea protinus gnaviter , et aliquanto liberalius partim ipse , partim per meos socios coemenda procuro. Jamque tempore , ut aiebat sacerdos , id postulante , stipatum me religiosa cohorte deducit ad proximas balneas ; et prius sueto lavacro traditum , præfatus deum veniam ,

purissime circumrorans abluit : rursumque ad templum reductum , jam duabus diei partibus transactis , ante ipsa deæ vestigia constituit ; secretoque mandatis quibusdam , quæ voce meliora sunt , illud plane cunctis arbitris præcipit , decem continuis illis diebus cibariam voluptatem coercerem , neque ullum animal essem , et invinius essem. Quibus venerabili continentia rite servatis , jam dies aderat divino destinatus vadimonio : et sol curvatus intrahebat vesperam. Tum ecce confluunt undique turbæ , sacrorum ritu vetusto , variis quisque me muneribus honorantes. Tunc semotis procul profanis omnibus linteo undique me contextum amicimine , arrepta manu , sacerdos deducit ad ipsius sacrarii penetralia. Quæras

forsitan satis anxie , studiose lector , quid deinde dictum , quid factum ? dicerem , si dicere liceret ; cognosceres , si liceret audire. Sed parem noxam contraherent aures et linguæ illæ temerariæ curiositatis. Nec te tamen desiderio forsitan religioso suspensum , angore diutino cruciabo. Igitur audi : sed crede , quæ vera sunt. Accessi confinium mortis , et calcato Proserpinæ limine , per omnia vectus elementa remeavi : nocte media , vidi solem candido coruscantem lumine : deos inferos et deos superos accessi coram , et adoravi de proximo. Ecce tibi retuli , quæ quamvis audita , ignores tamen necesse est. Ergo , quod solum potest sine piaculo ad profanorum intelligentias enuntiari , refe-

ram. Mane factum est ; et perfectis solemnibus , processi duodecim sacratus stolis , habitu quidem religioso satis , sed effari de eo nullo vinculo prohibeor : quippe , quod tunc temporis videre præsentes plurimi. Namque in ipso ædis sacræ meditullio , ante deæ simulacrum constitutum tribunal ligneum jussus superstiti , byssina quidem , sed floride depicta veste conspicuus. Et humeris dependebat , pone tergum , talorum tenuis , pretiosa chlamyda. Quaquā tamen viseres , colore vario circumnotatis insignibar animalibus. Hinc dracones indici , inde gryphes hyperborei : quos in speciem pinnatæ alitis generat mundus alter. Hanc olympiacam stolam sacrati nuncupant. At manu dextera gerebam flam-

mis adultam facem : et caput decora corona cinxerat , palmæ candidæ foliis in modum radiorum prosistentibus. Sic ad instar solis exornato , et in vicem simulacri constituto , repente velis reductis , in aspectum populi errabam. Exhinc festissimum celebravi natalem sacrorum : et suaves epulæ , et faceta convivium. Dies etiam tertius pari cerimoniarum ritu celebratus , et jentaculum religiosum , et teletæ legitima consummatio. Paucis dehinc ibidem commoratus diebus , inexplicabili voluptate simulacri divini perfruebar ; irremunerabili quippe beneficio pigneratus. Sed tandem deæ monitu , licet non plene , tamen pro meo modulo , supplicue gratiis persolutis , tardam satis domuitionem comparo ; vix equi-

dem abruptis ardentissimi desiderii
retinaculis. Provolutus denique ante
conspectum deæ, et facie mea diu
detersis vestigiis ejus, lacrymis obor-
tis, singultu crebro sermonem inter-
ficiens, et verba devotans aio: Tu
quidem sancta, et humani generis
sospitatrix perpetua, semper foven-
dis mortalibus munifica, dulcem ma-
tris affectionem miserorum casibus
tribuis. Nec dies, nec quies ulla,
ac ne momentum quidem tenue, tuis
transcurrit beneficiis otiosum; quin
mari terraque protegas homines, et,
depulsis vitæ procellis, salutarem
porrigas dexteram. Qua fatorum
etiam inextricabiliter contorta re-
tractas licia, et fortunæ tempestates
mitigas, et stellarum noxios meatus
cohibes. Te superi colunt; observant

infern : tu rotas orbem ; luminas solem ; regis mundum ; calcas tartarum. Tibi respondent sidera ; gaudent numina ; redeunt tempora ; serviunt elementa : tuo nutu spirant flamina , nutriuntur nubila ; germinant semina ; crescunt germina. Tuam majestatem perhorrescunt aves cœlo meatentes , feræ montibus errantes , serpentes solo latentes , belluæ ponto nantes. At ego referendis laudibus tuis exilis ingenio , et adhibendis sacrificiis tenuis patrimonio : nec mihi vocis ubertas ad dicenda , quæ de tua majestate sentio , sufficit : nec oramille , linguæque totidem , vel indefessi sermonis æterna series. Ergo , quod solum potest religiosus quidem , sed pauper alioquin , efficere , curabo : divinos tuos vultus numen-

que sanctissimum intra pectoris mei secreta conditum perpetuo custodiens, imaginabor. Ad istum modum deprecato summo numine, complexus Mithram sacerdotem et meum jam parentem, colloque ejus multis oculis inhærens, veniam postulabam, quod eum condigne tantis beneficiis munerari nequirem. Diu denique gratiarum gerendarum sermone prolixo commoratus, tandem digredior: et recta, patrium larem revisurus meum post aliquammultum temporis, contendo: paucisque post diebus, deæ potentis instinctu, raptim constrictis sarcinulis, nave conscensa, Romam versus profectionem dirigo: tutusque prosperitate ventorum ferentium, Augusti portum celerime, ac dehinc carpento pervo-

lavi: vesperaque quam dies insequeretur iduum decembrium, sacrosanctam istam civitatem accedo. Nec ullum tam præcipuum mihi exinde studium fuit, quam quotidie supplicare summo numini reginæ Isidis; quæ, de templi situ sumpto nomine Campensis, summa cum veneratione propitiatur. Eram denique cultor assiduus, fani quidem advena, religionis autem indigena. Ecce, transcurso signifero circulo, sol magnus annum compleverat; et quietem meam rursus interpellat numinis benefici cura pervigilis: et rursus teletæ, rursus sacrorum commonet. Mirabar quid rei tentaret, quid pronuntiaret futurum. Quidni? plenissime jamdudum videbar initiatus. Ac dum religiosum scrupulum partim apud sensum

meum disputo, partim sacratorum consiliis examino; novum mirumque plane comperior: deæ quidem me tantum sacris imbutum, at magni dei deumque summi parentis, invicti Osiris necdum sacris illustratum. Quamquam enim connexa, immo vero unita ratio numinis religionisque esset, tamen teletæ discrimen interesse maximum. Prohinc me quoque peti magno etiam deo famulum, sentire deberem. Nec diu res in ambiguo stetit. Nam proxima nocte vidi quemdam de sacratis, linteis intectum, qui thyrsos et hederas, et tacenda quædam gerens, ad ipsos meos lares collocaret; et occupato sedili meo, religionis amplæ denuntiaret epulas. Is, ut agnitionem mihi scilicet certo aliquo sui signo subminis-

traret, sinistri pedis talo paululum reflexo, contabundo clementer incedebat vestigio. Sublata est ergo, post tam manifestam deum voluntatem, ambiguitatis tota caligo. Et illico deæ matutinis perfectis salutationibus, summo studio percontabar singulos, ecqui vestigio similis, ut somnium? Nec is defuit. Nam de pastophoris unum conspexi statim, præter indicium pedis, cetero etiam statu atque habitu examussim nocturnæ imagini congruentem : quem Asinium Marcellum vocitari cognovi postea, deformationis meæ non alienum nomen. Nec moratus, conveni protinus eum, sane nec ipsum futuri sermonis ignarum : quippe jamdudum consimili præcepto sacrorum ministrandorum commonefactum. Nam sibi

visus est quiete proxima, dum magnò deo coronas exaptat, et de ejus ore, quo singulorum fata dictat, audisse, mitti sibi Madaurensem, sed admodum pauperem, cui statim sua sacra deberet ministrare. Nam et illi studiorum gloriam, et ipsi grande compendium sua comparari providentia. Ad istum modum desponsus sacris, sumptuum tenuitate, contra votum meum retardabar. Nam et viriculas patrimonii peregrinationis attriverant impensæ; et erogationes urbicæ pristinis illis provincialibus antistabant. Plurimum ergo duritia paupertatis intercedente, quod ait vetus proverbium, inter sacrum et saxum positus, cruciabar. Nec secius tamen identidem numinis premebar instantia. Jamque sæpicule non sine magna

turbatione, stimulatus, postremo jussus veste ipsa mea quamvis parvula distracta, sufficientem corراسi summulam. Et id ipsum præceptum fuerat specialiter. An tu, inquit, si quam rem voluptati struendæ molireris, laciniiis tuis nequaquam parceres, nunc tantas cerimonias aditurus impœnitendæ te pauperiei contaris committere? Ergo igitur cunctis affatim præparatis, rursus decem diebus inanimis contentus cibus, insuper etiam de Serapis principalis dei nocturnis orgiis illustratus, plena jam fiducia germanæ religionis obsequium divinum frequentabam. Quæ res summum peregrinationi meæ tribuebat solatium: nec minus etiam victum uberiores subministrabat. Quidni? spiritu faventis eventus quæsticulo

forensi nutrito , per patrocinia sermonis romani. Et ecce , post pauculum tempus , inopinatis et usquequaque mirificis imperiis deam rursus interpellor , et cogor tertiam quoque teletam suscitare. Nec levi cura sollicitus , sed oppido suspensus animi , mecum ipse cogitationes exercitius agitabam , quorsus nova hæc et inaudita se cœlestium porrigeret intentio : quod subsicivum quamvis iteratæ jam traditioni remansisset. Nimirum perperam , vel minus plene consuluerunt in me sacerdos uterque : et hercules jam de fide quoque eorum opinari cœptabam sequius. Quo me cogitationis æstu fluctuantem , ad instar insanix percitum , sic instruxit nocturna divinatione clemens imago. Nihil est , inquit , quod

numerosa serie religionis , quasi quidquam sit prius omissum , terreare. Quin assidua ista numinum dignatione lætum capesse gaudium , et potius exsulta , ter futurus , quod alii vel semel vix conceditur : teque de isto numero merito præsume semper beatum. Ceterum futura tibi sacrorum traditio pernecessaria est : si tecum nunc saltem reputaveris , exuvias deæ , quas in provincia sumpsisti , in eodem solo depositas perseverare : nec te Romæ diebus solemnibus vel supplicare his , vel , cum præceptum fuerit , felici illo amictu illustrari posse. Quod felix itaque , ac faustum , salutareque tibi sit , animo gaudiali rursum sacris initiare , diis magnis auctoribus. Hactenus divini somnii suada majestas , quod usus foret ,

pronuntiavit. Nec deinceps postposito, vel in supinam procrastinationem rejecto negotio, statim sacerdoti meo relatis, quæ videram, inanimæ protinus castimoniæ jugum subeo: et lege perpetua præscriptis illis decem diebus spontali sobrietate multiplicatis, instructum teletæ comparo: largitus ex studio pietatis magis, quam mensura rebus collatis. Nec hercules laborum me, sumptuumque quidquam pœnituit. Quidni? liberali deum providentia, jam stipendiis forensibus bellule fotum. Denique post dies admodum pauculos, deus deum magnorum potior, et majorum summus, et summorum maximus, et maximorum regnator Osiris, non in alienam quampiam personam reformatus, sed coram suo illo vene-

rando me dignatus affamine, per quietem præcipere visus est, quam nunc incontanter gloriosa in foro redderem patrocinia: nec extimescerem malivolorum disseminationes, quas studiorum meorum laboriosa doctrina ibi deserviebat. Ac, ne sacris suis gregi cetero permixtus deservirem, in collegium me pastophorum suorum, immo inter ipsos decurionum quinquennales adlegit. Rursus denique, quam raro capillo, collegii vetustissimi et Sybillæ temporibus conditi, munia, non obumbrato vel oblecto calvitio, sed quoquo versus obvio, gaudens obibam.

O U V R A G E S

FAISANT partie de la collection des auteurs classiques, latins et françois , imprimés par mes soins , de format *in-18* , au nombre de 270 exemplaires.

C. C. Taciti *Germania* , *Agricola* , 1 vol.
Eutropii *Epitome*. Sexti Rufi *Breviarium* , 1 vol.

C.^{rispi} Sallustii *opera* , 2 vol.

M. T. Ciceronis in *Catilinam orationes* IV, 1 vol.

Apuleii *Metamorphoseon libri XI* , 3 vol.

Plinii *Panegyricus Trajano dictus* , 1 vol.

S O U S P R E S S E .

Discours sur l'Histoire Universelle , par Bossuet , 4 vol.

C. Cornelii Nepotis excellentium imperatorum Vitæ, 2 vol.


Petronii Satyricon, 2 vol.

Velleii Paterculi Historia romana, 2 vol.









This book should be returned to the Library on or before the last date stamped below.

A fine of five cents a day is incurred by retaining it beyond the specified time.

Please return promptly.

DEC 14 1929

